



漢魏六朝正史文選卷之七 目錄

後漢書 詔令

光武帝

封功臣詔


賜竇融璽書

賜隗囂書

勿受異味詔

廢郭皇后詔

地震詔



漢書卷之六
詔報臧宮

明帝

卽位詔

幸辟雍詔

寶鼎詔

班示封事詔

馬皇后

重請封諸舅報

章帝

卽位詔

詔報袁安

禁奢僭詔

賜助祭詔

詔三公

和帝

擇良吏詔

鄧皇后

遣掖庭宮人詔

宗節儉詔

漢魏六朝正史文選卷之七

目錄

漢魏六朝正史文選卷之八

後漢書

奏議

諸將

請上尊號奏

竇融

封皇子議

朱浮

日食疏

杜詩

降避功臣疏

鄭興

日食疏

魯丕

論說經疏

馮衍

自陳疏

朱勃

訟馬援疏

賈逵

左氏大義奏

袁安

上更立單于封事

陳寵

奏刪律令條法

何敞

理郵壽疏

諫竇氏封事

漢書卷之九十五
班超

請兵疏

張衡

陳時事疏

蔡邕

陳政要封事

李固

對詔

陳蕃

諫考實黨事疏

實武

諫黨事疏

楊賜

青蛇見封事

孔融

薦禰衡疏

馬援

月正史文選卷之八

月終

漢書卷之八

卷之八

八

班超氏五史文選卷之八
目錄

詩經

漢書

下

漢書

青史具桂華

下

漢書

射露事

下

漢書

射露事

漢魏六朝正史文選卷之九

目錄

後漢書

雜著

鄧禹

請用人以收民心

方望

辭隗囂書

竇融

責讓隗囂書

馬援

與器將楊廣書

孔融

報曹操書

袁紹

檄曹操

班彪

史記論

王符

潛夫論

仲長統

昌言一

昌言二

臧洪

答陳琳書

崔實

政論

荀悅

申鑒

延篤

仁孝論

班固

典引

曹世叔妻

女誡

漢魏六朝正史文選卷之九

目終

漢魏六朝正史文選卷之十

目錄

後漢書

史論

光武受命祥符論

孝行傳序

儒林傳序

逸民傳序

和帝紀論

順帝紀論

皇后紀論

郭皇后紀論

閔騫傳論

鄧禹傳論

鄧騭傳論

吳漢傳論

邳彤傳論

二十八將傳論

馬援傳論

宣秉張湛王良王丹傳論

馮衍傳論

梁統傳論

丁鴻傳論

班彪傳論

班固傳論

鄧彪張禹徐防張敏胡廣傳論

王符仲長統傳論

張皓王龔傳論

蔡邕傳論

陳寔傳論

孔融傳論

皇甫嵩朱雋傳論

儒林傳論

宦者傳論

西域傳論

漢魏六朝正史文選卷之十

目錄

後漢書 詔令

顧在觀觀生

沛中張 豸繡甫

雲間

許清胤介夫輯評

顧之萃宗之叅訂

勾章陳 裕廣生

陳 祐天生

光武皇帝

諱秀字文叔高祖九世孫兄伯升好俠養士王莽地皇三年起於宛建武元年即帝位祝文曰讖記曰劉秀發兵捕不道卯金修德為天子

封功臣詔

建武二年春正月封功臣皆為列侯

詔曰人情得足苦於放縱快須臾之欲忘慎罰之義惟諸將業遠功大誠欲傳於無窮宜如臨深淵如履

後漢書
薄米戰戰慄慄。日慎一日。其顯效未酬。名籍未立者。
大鴻臚趣上。朕將次而錄之。

教化之行中人可爲君子。君臣相保有以矣。

光武皇帝

賜竇融璽書

建武五年 竇融遣使獻馬
帝歡甚亦遣令還賜融璽書

璽書曰、制詔行河西五郡大將軍事、屬國都尉、勞鎮
守邊五郡、兵馬精彊、倉庫有蓄、民庶殷富、外則折挫
羗胡、內則百姓蒙福、威德流聞、虛心相望、道路隔塞、
邑邑何已、長史所奉書獻馬、悉至、深知厚意、今益州
有公孫子陽、天水有隗將軍、方蜀漢相攻、權在將軍、
舉足左右、便有輕重、以此言之、欲相厚、豈有量哉、諸
事具長史所見、將軍所知、王者迭興、千載一會、欲遂

立桓文輔微國當勉卒功業欲三分鼎足連衡合從
亦宜以時定天下未并吾與爾絕域非相吞之國今
之議者必有任囂效尉佗制七郡之計王者有分土
無分民自適已事而已

書至河西皆驚明見王者之慮思若有神非偶然
哉抑或以刺得張玄說也

光武皇帝

賜隗囂書

有司以囂言慢請誅其子恂帝不忍復賜囂書

昔柴將軍與韓信書云陛下寬仁諸侯雖有亡叛而後歸輒復位號不誅也以囂文吏曉義理故復賜書深言則似不遜畧言則事不決今若束手復遣恂弟歸闕庭者則爵祿獲全有浩大之福矣吾年垂四十在兵中十歲厭浮語虛辭卽不欲勿報

囂甘心更始抗顏光武生我父母成我鮑子設詞過貶宜啓其奸此復拳拳何及

漢明帝時汝南袁安等相與

謀甘公更共謀諸王說袁安將入殿殿平陽侯

袁氏中士欲刺殺袁安等不從

袁氏與袁安等相謀袁安自出外之

不言汝南不怨袁安等

汝南與袁安不相也

袁氏與袁安等相謀袁安自出外之

袁氏與袁安等相謀袁安自出外之

袁氏與袁安等相謀袁安自出外之

光武皇帝

勿受異味詔

建武十三年春正月

詔曰往年已勅郡國異味不得有所獻御今猶未止
非徒有豫養導擇之勞豫養謂未至獻時豫前養之至乃煩擾道
上疲費過所其令太官勿復受明勅下以遠方口實
所以薦宗廟自如舊制

光武文苑有餘然出之自然多不經意廼有近於
諧笑如此嚴重猶是西京

光武皇帝

地震詔

建武二十二年秋九月

詔曰日者地震南陽尤甚夫地者任物至重靜而不動者也而今震裂咎在君上鬼神不順無德災殃將及吏人朕甚懼焉其令南陽勿輸今年田租芻藁遣謁者案行其死罪繫囚在戊辰以前減死罪一等徒皆弛解鉗衣絲絮舊法在徒役者不得衣絲絮今赦許之賜郡中居人壓死者棺錢人三千其口賦逋稅而廬宅尤破壞者勿收責吏人死亾或在壞垣毀宇之下而家羸弱不

能收拾者其以見錢穀取備爲尋求之。

赦條委細心誠政實

光武皇帝

詔報臧宮

建武二十七年宮與馬武上書言
匈奴疲困豈宜固守文德墮武事

詔報曰、黃石公記曰、柔能制剛、弱能制強、柔者德也、
剛者賊也、弱者仁之助也、强者怨之歸也、故曰、有德
之君、以所樂樂人、無德之君、以所樂樂身、樂人者其
樂長、樂身者不久而亡、舍近謀遠者、勞而無功、舍遠
謀近者、逸而有終、逸政多忠臣、勞政多亂人、故曰、務
廣地者荒、務廣德者強、有其有者安、貪人有者殘、殘
滅之政、雖成必敗、今國無善政、災變不息、百姓驚惶、

人不自保、而復欲遠事邊外乎。孔子曰、吾恐季孫之憂、不在顓臾、且北狄尚強、而屯田警備、傳聞之事、恒多失實、誠能舉天下之半、以滅大寇、豈非至願、苟非其時、不如息人、

身歷兵間、得不厭苦、

明帝

諱莊光武第四子十歲能通春秋光武奇之立爲皇太子中元二年二月卽皇帝位

卽位詔

中元二年夏四月

詔曰予末小子奉承聖業夙夜震畏不敢荒寧先帝受命中興德侔帝王協和萬邦假於上下懷柔百神惠於鰥寡朕承大運繼體守文不知稼穡之艱難懼有廢失聖恩遺戒顧重天下以元元爲首公卿百僚將何以輔朕不逮其賜天下男子爵人二級三老孝悌力田人三級爵過公乘得移與子若同產同產子及流人無名數欲自占者人一級鰥寡孤獨篤癯粟

人十斛。其施利及郡國徒在中元元年四月巳卯赦前所犯而後捕繫者悉免其刑。又邊人遭亂爲內郡人妻在巳卯赦前一切遣還邊。恣其所樂。中二千石下至黃綬貶秩贖論者悉皆復秩還贖。方今上無天子。下無方伯。若涉淵水而無舟楫。夫萬乘至重而壯者慮輕。實賴有德。左右小子。高密侯禹元功之首。東平王蒼寬博有謀。並可以受六尺之託。臨大節而不撓。其以禹爲太傅。蒼爲驃騎將軍。太尉憲告謚南郊。司徒訢奉安梓宮。司空魴將校復士。其封意爲節。鄉

侯。訢爲安鄉侯。魴爲楊邑侯。

謙損已過文勝於情

此書實賴有德左右小子商賈慶壽元功之昔
生上修其德有德可以受六尺之託臨其節而
光滿其內張文利飲辭解解將軍太傅嘉告諸
公治命奉將矣也國以昌氣校復士其利意而

明帝

幸辟雍詔

永平二年冬十月

詔曰光武皇帝建三朝之禮而未及臨饗

中元元年初起明堂

辟雍靈臺也

眇眇小子屬當聖業間暮春吉辰初行大射

今月元日復踐辟雍尊事三老兄事五更安車輶輪

供綏執授侯王設醬公卿饌珍朕親袒割執爵而酌

三老知天地之事者三老就軍天子親執綏授之五更知五行更代事者祝哽在前祝噎

在後升歌鹿鳴下管新宮

新宮小雅逸篇也升登也登堂而歌所以重人聲也

八佾具修萬舞於庭

萬亦舞也

朕固薄德何以克當易陳

貞乘詩刺彼已永念慙疚無忘厥心三老李躬年耆
五更桓榮授朕尚書詩曰無德不報無言不酬
賜榮爵關內侯食邑五千戶三老五更皆以二千
石祿養終厥身其賜天下三老酒人一石肉四十斤
有司其存耆耄恤幼孤惠鰥寡稱朕意焉

盛世之事未可口虛文少也

明帝

寶鼎詔

永平元年夏四月王雒山出寶鼎廬江太守獻之

詔曰昔禹收九牧之金鑄鼎以象物使人知神姦不逢惡氣遭德則興遷於商周周德既衰鼎乃淪亡史記

曰鼎鼎亡入泗水中

祥瑞之降以應有德方今政化多僻何以

致茲易曰鼎象三公豈公卿奉職得其理邪太常其以祔祭之日陳鼎於廟以備器用

歸美三公事從挹損爲矯甚力

建武長江洲三衣堂衣衾年魚四其五經之富其

日新其德

我歌食飯林間草
無勞商賈國
以爲山
入

晴日普西沙上郎之金銀曲以爲對寒入曉轉爲平

風雨

出買西池五太卒烟之

14

後帝

明帝

班示封事詔

永平七年冬十月日食既在位上封事帝覽章引咎乃以所上班

示百

官

詔曰朕以無德奉承大業而下貽人怨上動三光日

食之變其災尤大春秋圖讖所謂至譴

春秋感精符曰春秋撥亂

日食三十六故曰至譴也永思厥咎在予一人羣司勉修職事極

言無諱於是在位者皆上封事各言得失帝覽章深
自引咎乃以所上班事百官詔曰羣臣所言皆朕之
過人冤不能理吏黠不能禁而輕用人力繕修宮宇

出入無節。喜怒過差。昔應門失守。關雎刺世。春秋說題辭曰

人主不正。應門失守。故歌關雎以戒。飛蓬隨風。微子

所嘆。管子曰。無儀法程。式飛搖而無所定。謂之飛蓬。永覽前戒。竦然兢懼。徒

恐薄德。久而致怠耳。

引喻幽渺。可謂兼覽。

馬皇后

伏波將軍援女選入太子宫年十三永平三年有司奏立長秋宮陰太后曰馬貴人德冠

後宮卽其人也

重請封諸舅報

帝重請曰太后誠存謙虛奈何令臣不加恩三舅乎

報曰吾反覆念之思令兩善豈徒欲獲謙謙之名而使帝受不外施之嫌哉昔竇太后欲封王皇后之兄丞相條侯言受高祖約無軍功非劉氏不侯今馬氏無功於國豈得與陰郭中興之后等邪常觀富貴之家祿重位疊猶再實之木其根必傷且人所以願封侯者欲上奉祭祀下求溫飽耳今祭祀則受四方之

珍衣食則蒙御府餘資、斯豈不足而必當得一縣乎、
吾計之孰矣、勿有疑也、夫至孝之行、安親爲上、今數
遭變異、穀價數倍、憂惶晝夜、不安坐臥、而欲先營外
封、違慈母之拳拳乎、吾素剛急、有胸中氣、不可不順
也、若陰陽調和、邊境清靜、然後行子之志、吾但當含
飴弄孫、不能復關政矣、

此政深於愛其兄弟處、是其賢亦是其知、是其德
亦繫其才

章帝

諱炆顯宗第五子立爲皇太子少寬容好儒術顯宗器重之永平十八年八月卽皇帝位

卽位詔

永平十八年冬十月

詔曰朕以眇身託於王侯之上統理萬機懼失厥中競競業業未知所濟深惟守文之主必建師傅之官詩不云乎不愆不忘率由舊章行太尉事節鄉侯意三世在位爲國元老司空融典職六年勤勞不怠其以憙爲太傅融爲太尉並錄尚書事三事太夫莫肯夙夜小雅之所傷也予違汝弼汝無面從股肱之正義也群后百僚勉思厥職各貢忠誠以輔不逮申勅

四方稱朕志焉。

雅有風度

章帝

詔報袁安

元和二年北虜謀欲犯邊百官議

朝堂安議當還生口鄭弘第五倫皆

恨之司徒桓虞廷叱弘等倫及太鴻臚韋彪作色變容司隸舉奏安等上

印綬

謝

詔報曰久議沉滯各有所志蓋事以議策由衆定間
間行行得禮之容寢嘿抑心更非朝廷之福君何尤
而深謝其各冠履

7

章帝

禁奢僭詔

建初二年
春二月

詔曰。比年陰陽不調。饑饉屢臻。深惟先帝憂人之本。詔書曰。不傷財。不害人。誠欲元元去末歸本。而今貴戚近親。奢縱無度。嫁娶送終。尤爲僭侈。有司廢典。莫肯舉察。春秋之義。以貴理賤。今自三公並宜明糾非法。宣振威風。朕在弱冠。未知稼穡之艱難。區區管窺。豈能照一隅哉。其科制度所宜施行在事者。備爲之禁。先京師而後諸夏。

貴先京師化自上起者也

章帝

賜助祭詔

建初七年秋八月飲酎高廟禘祭光武皇帝孝明皇帝甲辰詔書云

詔曰祖考來假明哲之祀予末小子質又菲薄仰惟先帝烝烝之情前修禘祭以盡孝敬朕得識昭穆之序寄遠祖之思今年大禮復舉加以先帝之坐悲傷感懷樂以迎來哀以送往雖祭亡如在而空虛不知所裁庶或饗之豈亡克愼肅雍之臣辟公之相皆助朕之依依今賜公錢四十萬卿半之及百官執事各有差

如此溫穆及人不以其物

[illegible]

章帝

詔三公

元和二年
春正月

詔曰方春生養萬物孳甲宜助萌陽以育時物其令
有司罪非殊死且勿案驗及使人條書相告不得聽
受冀以息事寧人敬奉天氣立秋如故夫俗吏矯飾
外貌似是而非揆之人事則悅耳論之陰陽則傷化
朕甚厭之甚苦之安靜之吏惛惛無華惛惛至
誠也計
不足月計有餘如襄城令劉方吏人同聲謂之不煩
雖未有宅異斯亦殆近之矣間勅二千石各尚寬明

而○今○富○姦○行○賂○於○下○貪○吏○枉○法○於○上○使○有○罪○不○論○而○
無○過○被○刑○甚○大○逆○也○

寬明二字下得有意寬而不明禍民有甚於苛察

和帝

諱肇，肅宗第四子。建和七年立爲皇太子。立和二年二月，卽皇帝位，年十歲。

擇良吏詔

永元十二年春三月

詔曰：比年不登，百姓虛匱，京師去冬無宿雪，今春無澍雨，黎民流離，困於道路，朕痛心疾首，靡知所濟。瞻仰昊天，何辜今人！三公朕之腹心，而未獲承天安民之策，數詔有司，務擇良吏，今猶不改，競爲苛暴，侵愁小民，以求虛名，委任下吏，假執行邪，是以令下而姦生，禁至而詐起。巧法析律，飾文增辭，王制曰：析言破律也。貨行於言，罪成乎手，朕甚病焉。公卿不思助明好惡，將何

以救其咎。罰咎。罰既至。復令災及小民。若上下同心。
庶或有瘳。

時政頗弛。其勤復爾。

鄧皇后

諱綬太傅禹之孫永元八年冬選入宮爲貴人十四年陰后廢立爲皇后帝崩迎立殤帝

后爲皇太

后臨朝

遣掖庭宮人詔

詔曰朕以無德佐助統政夙夜經營懼失厥衷思惟
治道由近及遠先內後外自建武之初以至于今八
十餘年宮人歲增房御彌廣又宗室坐事沒入者猶
託名公族甚可愍焉今悉免遣及掖庭宮人皆爲庶
民以抒幽隔鬱滯之情諸官府郡國王侯家奴婢姓
劉及疲癯羸老皆上其名務令實悉

和熹政事無不可觀然此條非女君有不能爲也

安帝

諱祜父清河王慶延平元年慶始就國邸太后留帝清河邸八月殤帝崩太后與兄騰定策禁

中迎帝

卽位

崇節約詔

永初五年夏五月

詔曰舊令制度各有科品欲令百姓務崇節約遭永初之際人離荒庀朝廷躬自菲薄去絕奢飾食不兼味衣無二絲比年雖獲豐穰尚乏儲積而小人無慮不圖久長嫁娶送終紛華靡麗至有走卒奴婢被綺縠著珠璣京師尚若斯何以示四遠設張法禁懇惻分明而有司情任訖不奉行秋節旣立鷙鳥將用言有

司急情不遵法令
將欲順秋行誅
且復重申以觀後效

實實利病於百姓者獨有司耳詔書雖切何益

後漢書

奏議

顧在觀觀生

徐延禧介臣

雲間

許清胤介夫輯評

顧之萃宗之叅訂

勾章陳

裕廣生

陳

祐天生

諸將

議上尊號奏

建武元年公孫述自稱天子光武從薊還過范陽至中山諸將上奏

漢遭王莽宗廟廢絕豪傑憤怒兆人塗炭王與伯升
首舉義兵更始因其資以據帝位而不能奉承太統
敗亂綱紀盜賊日多羣生危蹙大王初征昆陽王莽

後漢書
一
自潰後拔邯鄲北州弭定三分天下而有其二跨州
據土帶甲百萬言武力則莫之敢抗論文德則無所
與辭臣聞帝王不可以久曠天命不可以謙拒惟大
王以社稷爲計萬姓爲心

文質則強文文則弱諸將武人多質宜與高帝卽
位疏同勝

封皇子議

巴蜀既平大司馬吳漢上書請封皇子重奏連歲乃詔羣臣議

議曰古者封建諸侯以藩屏京師周封桑伯同姓諸
姬並爲建國夾輔王室尊事天子享國永長爲後世
法故詩云大啓爾宇爲周室輔高祖聖德光有天下
亦務親親封立兄弟諸子不違舊章陛下德橫天地
興復宗統褒德賞勲親睦九族功臣宗室咸蒙封爵
多受廣地或連屬縣今皇子賴天能勝衣趨拜陛下
恭謙克讓抑而未議羣臣百姓莫不先望宜因盛夏

後漢書
吉時定號位以廣藩輔明親親尊宗廟重社稷應古
合舊厭塞衆心臣請大司空上輿地圖太常擇吉日
具禮儀

至是卽位已十五年矣諸子之封群臣連奏以決
又爵止于公人情孰不欲驟貴其子者

朱浮

字叔元沛國人建武二年封武陽侯

日食疏

帝以二千石長史多不勝任時見黜罷六年有日食之異浮因上疏

日者衆陽之所宗君上之位也凡居官治民據郡典縣皆爲陽爲上爲尊爲長若陽上不明尊長不足則

于動三光垂示王者五典紀國家之政

禮記曰溫柔敦厚詩教也

疏通知遠書教也潔靜精微易教也恭儉莊敬禮教也屬辭比事春秋教也

鴻範別災異

之文

鴻範尚書篇名箕子爲武王陳政道陰陽之法災異卽咎徵之類也

皆宣明天道

以徵來事者也陛下哀愍海內新離禍毒保宥生人

使得蘇息而今牧人之吏多未稱職小違理實輒見

斥罷豈不粲然黑白分明哉然以堯舜之盛猶加三
考大漢之興亦累功效吏皆積久養老於官至名子
孫因爲氏姓當時吏職何能悉理論議之徒豈不誼
譁蓋以爲天地之功不可倉卒艱難之業當累日也
而間者守宰數見換易迎新相代疲勞道路尋其視
事日淺未足昭見其職旣加嚴切人不自保各相顧
望無自安之心有司或因睚眦以騁私怨苟求長短
求媚上意二千石及長吏迫於舉劾懼於刺譏故爭
飾詐僞以希虛譽斯皆群陽騷動日月失行之應夫

物暴長者必夭折、功卒成者必亟壞、如摧長久之業、而造速成之功、非陛下之福也、天下非一時之用也、海內非一旦之功也、願陛下遊意於經年之外、望化於一世之後、天下幸甚、

據州典郡皆爲日象紆義難通久任成政自是定
理

杜詩

字君公河內人遷南陽太守修治陂池廣拓土田時人方於召信臣南陽爲之語曰前有召父

後有杜母

降避功臣疏

詩自以無勞不安久居大郡求欲降避功臣乃上疏

陛下亮成天工克濟大業偃兵修文群帥反旅海內
合和萬世蒙福天下幸甚唯匈奴未譬聖德威侮二
垂陵虐中國邊民虛耗不能自守臣恐武猛之將雖
勤亦未得解甲橐弓也夫勤而不息亦怨勞而不休
亦怨怨恨之師難復責功臣伏覩將帥之情功臣之
望冀一休足於內郡然後卽戎出命不敢有恨臣愚

以爲師克在和不在衆陛下雖垂念北邊亦當頗泄

用之

泄猶雜也

昔湯武善御衆故無忿驚之師陛下起兵

十有三年將帥和睦士卒鳧藻今若使公卿郡守出

於軍壘則將帥自厲士卒之復比於宿衛則戎士自

百何者天下已安各重性命大臣以下咸懷樂土不

讐其功而厲其用無以勸也陛下誠宜虛缺數郡以

俟振旅之臣重復厚賞加於久役之士如此緣邊屯

戍之師競而忘死乘城拒塞之吏不辭其勞則烽火

精明守戰堅固聖王之政必因人心今猥用愚滯塞

功臣之望、誠非其宜、臣詩伏自惟忖、本以史吏一介之才、遭陛下創制大業、賢俊在外、空乏之間、超受大恩、收養不稱、奉職無効、久竊祿位、令功臣懷慚、誠墮誠恐、八年上書乞避功德、陛下殊恩未許放退、臣詩蒙恩尤深、義不敢苟冒虛請、誠不勝至願、願退大郡、受小職、及臣齒壯、力能經營劇事、如使臣詩必有補益、復受大位、雖析珪授爵、所不辭也、惟陛下哀矜中外、迭居勞佚、平任此通達之識、非虛讓也。

卷之二十一 光武皇帝本紀第十一
光武皇帝，字文叔，南陽人也。其先自高祖以來，世居南陽。父恭，字季卿，一名南，字仲卿，南陽人也。恭有子七人，長曰光武，次曰仲卿，次曰仲卿，次曰仲卿，次曰仲卿，次曰仲卿，次曰仲卿。光武少時，其父嘗謂之曰：「吾嘗聞高祖皇帝，起布衣，天下歸之，今汝等處此南陽，而無所事事，吾恐汝等之無所成也。」光武曰：「臣聞高祖皇帝，起布衣，天下歸之，今臣等處此南陽，而無所事事，臣恐臣等之無所成也。」

鄭興字少贛河南人少學公羊春秋晚善左氏傳積精深思通達其旨同學者皆師之

日食疏建武六年徵興為太中大夫明年三月晦日食興因上疏

春秋以天反時為災地反物為妖人反德為亂亂則

妖災生往年已來謫咎連見意者執事頗有關焉按

春秋昭公十七年夏六月甲戌朔日有食之傳曰日

過分而未至言過春分而未及夏至也三辰有災於是百官降物

降物素服君不舉不舉盛饌避移時避正寢過日食時也樂用鼓奏鼓伐鼓祝

用幣用幣於社史用辭用辭以自責也今孟夏純乾用事陰氣未

作其災尤重夫國無善政則謫見日月變咎之來不

可不慎其要在因人心擇人處位也堯知鯀不可用而用之者屈已之明因人心也齊桓反政而見管仲晉文歸國而任郄穀者是不私其私擇人處位

也

晉文公自秦歸國懷公故臣郄芮謀燒公宮郄穀卽弑其族文公不以爲讐而任焉

今公卿

大夫多舉漁陽太守郭伋可大司空者而不以時定道路流言咸曰朝廷欲用功臣功臣用則人位謬矣願陛下上師唐虞下覽齊晉以成屈已從衆之德以濟群臣讓善之功夫日月交會數應在朔而頃年日食每多在晦先時而合皆月行疾也日君象而月臣

象○君○亢○急○則○臣○下○促○迫○故○行○疾○也○今○年○正○月○繁○霜○自○
爾○以○來○率○多○寒○日○此○亦○急○咎○之○罰○天○於○賢○聖○之○君○猶○
慈○父○之○於○孝○子○也○丁○寧○申○戒○欲○其○反○政○故○災○變○仍○見○
此○乃○國○之○福○也○今○陛○下○高○明○而○群○臣○惶○促○宜○留○思○柔○
尅○之○政○垂○意○洪○範○之○法○
洪範曰高
明柔尅
博○採○廣○謀○納○群○下○
之○策○

史稱興依經守義文章溫雅以不善識故不能任
光武聖人崛起智同群盜終身不解亦可怪也

魯丕

恭弟好學不倦以魯詩尚書教授爲世名儒

論說經疏

和帝因朝會召見諸儒丕與侍中賈逵尚書令黃香等相難數事帝善丕

說丕因

上疏

臣以愚頑顯備大位犬馬氣衰猥得進見論難於前無所甄明衣服之賜誠爲優過臣聞說經者傳先師之言非從已出不得相讓相讓則道不明若規矩權衡之不可枉也難者必明其據說者務立其義浮華無用之言不陳於前故精思不勞而道術愈章法異者各令自說師法博觀其義覽詩人之旨意察雅頌

之終始。明舜禹皐陶之相戒。顯周公箕子之所陳。觀乎人文。化成天下。陛下旣廣納謇謇。以開四聰。無令芻蕘以言得罪。旣顯巖穴。以求仁賢。無使幽遠。獨有遺失。

守其師說。專固如此。亦以此精一家。亦以此蔽衆理。漢人得失。往往而然。

馮衍

字敬通京兆人更始二年鮑永行大將軍事以衍為立漢將軍更始歿永衍乃共罷兵降於河

內帝怨衍等不時至永立功贖罪衍獨見黜

自陳疏

衛尉陰興重衍與之交帝懲西京外戚賓客皆以法懲之衍由此得罪建武末

上疏自陳猶以前過不用

建武末上疏自陳曰臣伏念高祖之畧而陳平之謀

毀之則疏譽之則親以文帝之明而魏尚之忠繩之

以法則為罪施之以德則為功逮至晚世董仲舒言

道德見妒於公孫弘李廣奮節於匈奴見排於衛青

此忠臣之常所為流涕也臣衍自惟微賤之臣上無

無知之薦下無馮唐之說。乏董生之才。寡李廣之勢。而欲免讒口。濟怨嫌。豈不難哉。臣衍之先祖。以忠貞之故。成私門之禍。而臣衍復遭擾攘之時。值兵革之際。不敢回行求時之利。事君無傾邪之謀。將帥無虜掠之心。衛尉陰興。敬慎周密。內自修勅。外遠嫌疑。故敢與交通。與知臣之貧。數欲本業之。臣自惟無三益之才。不敢處三損之地。固讓而不受之。昔在更始。太原執貨財之柄。居倉卒之間。據位食祿二十餘年。而財產歲狹。居處日貧。家無布帛之積。出無輿馬之飾。

於今遭清明之時、飭躬力行之秋、而怨讐叢興、譏議橫世、蓋富貴易爲善、貧賤難爲工也。疏遠寵畝之臣、無望高闕之下、惶恐自陳、以救罪尤、

富貴易善、貧賤難工、可感可厲

仙舟言
卷之二
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

朱勃

字叔陽馬援同郡人年十二候援兄况衣方領能矩步辭言嫺雅援見之自失

訟馬援書

援征五溪病卒梁松因事陷之帝大怒收援新息侯印綬前雲陽令同郡

朱勃詣

闕上書

臣聞王德聖政，不忘人之功，採其一美，不求備於衆。故高祖赦蒯通，而以王禮葬田橫。大臣曠然，咸不自疑。夫大將在外，讒言在內，微過輒記，大功不計，誠爲國之所慎也。故章邯畏口而奔楚，燕將據聊而不下，豈其甘心末規哉？悼巧言之傷類也。末規猶下計也竊見故伏波將軍新息侯馬援，拔自西州，欽慕聖義，間關險

難觸冒萬死孤立羣貴之間。傍無一言之佐。馳溪淵入虎口。豈顧計哉。寧自知當要七郡之使。徼封侯之福邪。八年車駕西討。隗囂國計狐疑。衆營未集。援建宜進之策。卒破西州。及吳漢下隴。冀路斷隔。唯獨狄道爲國堅守。士民饑困。寄命漏刻。援奉詔西使。鎮慰邊衆。乃招集豪傑。曉誘羌戎。謀如涓泉。執如轉規。遂救倒懸之急。存幾亾之城。兵全師進。因糧敵人。隴冀略平。而獨守空郡。兵動有功。師進輒克。銖鋤先零。緣入山谷。猛怒力戰。飛矢貫脛。又出征交趾。土多瘴氣。

援與妻子生訣、無悔吝之心、遂斬滅徵側、克平一州、
間復南討、立陷臨鄉、師已有業、未竟而死、吏士雖疫、
援不獨存、夫戰或以久而立功、或以速而致敗、深入、
未必爲得、不進未必爲非、人情豈衆久屯絕地、不生、
歸哉、惟援得事朝廷、二十二年、北出塞漠、南渡江海、
觸冒害氣、僵死軍事、名滅爵絕、國土不傳、海內不知、
其過衆庶未聞其毀、卒遇三夫之言、橫被誣罔之讒、
家屬杜門、葬不歸墓、怨隙竝興、宗親怖慄、死者不能、
自列、生者莫爲之訟、臣竊傷之、夫明主醲於用賞、約

於用刑、高祖嘗與陳平金四萬斤以間楚軍、不問出入所爲、豈復疑以錢穀間哉、夫操孔父之忠而不能自免於讒、此鄒陽之所悲也、

鄒陽曰昔者魯聽季孫之說而逐孔子

詩

云、取彼讒人、投畀豺虎、豺虎不食、投畀有北、有北不受、投畀有昊、此言欲令上天而平其惡、惟陛下留思、豎孺之言、無使功臣懷恨、黃泉臣聞春秋之義、罪以功除、聖王之祀、臣有五義、若授所謂以死勤事者也、願下公卿、平援功罪、宜絕宜續、以厭海內之望、臣年已六十、常伏田里、竊感樂布哭彭越之義、冒陳悲憤、

戰慄闕庭、

光武之明馬援之賢幾于不終聞朱勃之言亦不
悟讒口之中人深矣

醉歸月之中心入對矣

夫此之問其意蓋然十不待問其意蓋然

賈逵

字景伯扶風平陵人弱冠能誦左氏傳及五經
本文以大夏尚書教授雖為古學兼通五家穀

梁之說

左氏大義奏

肅宗好左氏傳詔逵入講使發出
左氏傳大義長於二傳者逵于是

具條奏之

臣謹檇出左氏三十事尤著明者斯皆君臣之正義

父子之紀綱其餘同公羊者什有七八或文簡小異

無害大體至如祭仲紀季伍子胥叔術之屬左氏義

深於君父公羊多任於權變

左傳宋人執鄭祭仲曰不立突將死祭仲許之

遂出昭公而二厲公公羊傳曰祭仲者何鄭之相也
何以不名賢也何賢乎祭仲以為知權也其知權奈

何宋人執之謂之曰爲我出忽而立突祭仲不從其
言則君必死國必亡從其言則君可以生易死國可
以存易亡古之有權者祭仲之權是也左傳紀季以
鄰人於齊紀侯大去其國賈逵以爲紀季不能兄弟
同心以存國乃背兄歸讐書以譏之公羊傳曰紀季
者何紀侯之弟也何以不名賢也何賢乎服罪也其
服罪奈何請後立廟以存姑姊妹左傳楚平王將殺
伍奢召伍奢子伍尚伍員曰來吾免而父尚謂員曰
聞免父之命不可以草之奔親戚爲戮不可以莫之
報父不可棄名不可廢子胥奔吳遂以吳師入郢卒
復父讐公羊傳曰父受誅子復讐推刃之道也公羊
不許子胥復讐是不深父也左傳曰冬邾黑肱以濫
來奔賤而書名重地故也君子曰名之不可不慎以
地叛雖賤必書地以名其人終爲不義不可滅已
是以君子動則思禮行則思義公羊傳冬黑弓以濫來
奔又何以無邾婁通濫也曷爲通濫賢者子孫宜有
地賢者孰謂謂叔術也其相殊絕固已甚遠而冤抑
何賢乎叔術讓國也

積久莫肯分明臣以永平中上言左氏與圖讖合者
先帝不遺芻蕘省納臣言寫其傳詒藏之秘書建平
中侍中劉歆欲立左氏不先暴論大義而輕移太常
侍其義長詆挫諸儒諸儒內懷不服相與排之孝哀
皇帝重逆衆心故出歆爲河內太守從是攻擊左氏
遂爲重讐至光武皇帝奮獨見之明興立左氏穀梁
會二家先師不曉圖讖故令中道而廢凡所以存先
王之道者要在安上理民也今左氏崇君父卑臣子
強幹弱枝勸善戒惡至明至切至直至順且三代異

物損益隨時故先帝博觀異家各有所採易有施孟

復立梁丘施讐孟喜尚書歐陽復有梁丘賀也大小夏侯歐陽和伯

大夏侯勝小夏侯建也今三傳之異亦猶是也又五經家皆無

以證圖讖明劉氏為堯後者而左氏獨有明文春秋

夫蔡墨曰陶唐氏既衰其後有劉累累學擾龍事孔甲五經家皆言顓頊氏黃帝

而堯不得為火德史記曰黃帝崩其孫昌意之子立

說若以顓頊代黃帝以上德王即顓頊當為金德高辛為水德堯為木德漢承堯後自然不得為火德也

左氏以為少昊代黃帝即圖讖所謂帝宣也左氏傳曰黃帝

氏以雲紀少昊氏以鳥紀是以少昊代黃帝也河圖曰大星如虹下流華渚女節意感生白帝朱宣宋均

注曰朱宣少昊氏也。如令堯不得爲火，則漢不得爲赤，其所發明補益實多。陛下通天然之明，建大聖之本，改元正歷，垂萬世則，是以麟鳳百數，嘉瑞雜遝，猶朝夕恪勤游情六藝，研機綜微，靡不審覈。若復留意廢學，以廣聖見，庶幾無所遺失矣。

左氏與聖賢表裏，猶必傳識以求立邪說之入人深矣。

袁安

字郡公汝南人爲人嚴重有威見敬於州里章和元年爲司徒

上更立單于封事

北單于遁走地空竇憲上立降者左鹿蠡王阿修爲北單于安懼憲計遂行乃上封事

臣聞功有難圖。不可豫見。事有易斷。較然不疑。伏惟光武皇帝。本所以立南單于者。欲安南定北之策也。恩德甚備。故匈奴遂分。邊境無患。孝明皇帝。奏承先意。不敢失墜。赫然命將。爰伐塞北。至于章和之初。降者十萬餘人。議者欲置之濱塞。東至遼東。大尉宋由。光祿勳耿秉。皆以爲失南單于心。不可。先帝從之。陸

下奉承鴻業大開疆宇大將軍遠師討伐席捲北庭
此誠宣明祖宗崇立弘勲者也宜審其終以成厥初
伏念南單于屯先父舉衆歸德自蒙恩以來四十餘
年三帝積累以遺陛下陛下深宜遵述先志成就其
業况屯首唱大謀空盡北虜輟而弗圖更立新降以
一朝之計違三世之規失信於所養建立於無功由
秉實知奮議而欲背棄先恩夫言行君子之樞機賞
罰理國之綱紀論語曰言忠信行篤敬雖蠻貊行焉
今若失信於一屯則百蠻不敢復保誓矣又烏桓鮮

卑。新殺北單于。凡人之情。咸畏仇讐。今其立弟。則二
慮懷怨。兵食可廢。信不可去。且漢故事。供給南單于
費直歲一億九十餘萬。西域歲七千四百八十萬。今
北庭彌遠。其費過倍。是乃空盡天下。而非建策之要
也。

于是與憲更相難折。憲引光武誅韓歆故事。以懼
安。終于不移。此謂社稷之臣矣。

去發于子時此謂將時

王叔微謂此謂將時此謂將時

也

此謂將時此謂將時此謂將時

此謂將時此謂將時此謂將時

此謂將時此謂將時此謂將時

此謂將時此謂將時此謂將時

陳寵

字昭公沛國人肅宗初爲尚書
自在樞機謝遣門人拒絕知友

奏刪律令條法

寵爲廷尉數讞疑獄務從寬恕
又鈎校律令條法溢于甫刑者

除之

臣聞禮經三百威儀三千故甫刑大辟二百五刑之
屬三千禮之所去刑之所取失禮則入刑相爲表裏
者也今律令死刑六百一十耐罪千六百九十八贖
罪以下二千六百八十一溢於甫刑者千九百八十
九其四百一十大辟千五百耐罪七十九贖罪春秋
保乾圖曰王者三百年一蠲法漢興以來三百二年

憲令稍增科條無限又律有三家其說各異宜令三公廷尉平定律令應經合義者可使大辟二百而耐罪贖罪二千八百并爲三千悉刪除其餘令與禮相應以易萬人視聽以致刑措之美傳之無窮

三千三百禮刑相爲表裏翔奇

何敞

理邳邳壽疏

壽上書陳竇憲驕恣因朝會議刺
憲等厲音正色憲陷以買公田誹
謗下吏當誅侍御
史何敞上疏理之

臣聞聖王闢四門開四聰延直言之路下不諱之詔
立敢諫之旗聽歌謠于路爭臣七人以自鑒照考知
政理違失人心輒改更之故天人並應傳福無窮臣
伏見尚書僕射邳壽坐於臺上與諸尚書論擊匈奴
言議過差及上書請買公田遂繫獄考劾大不敬臣
愚以爲壽機密近臣匡救爲職若懷默不言其罪當

誅今壽違衆正議以安宗廟、豈其私邪、又臺閣平事、分爭可否、雖唐虞之隆、三代之盛、猶謂諤諤以昌、不以誹謗爲罪、請買公田、人情細過、可裁隱忍、壽若被誅、臣恐天下以爲國家橫罪忠直、賊傷和氣、忤逆陰陽、臣所以敢犯嚴威、不避夷滅、觸死瞽言、非爲壽也、忠臣盡節、以死爲歸、臣雖不知壽、度其甘心安之、誠不欲聖明行誹謗之誅、以傷晏晏之化、寬容覆載謂之晏杜塞忠直、垂譏無窮、臣敞謬豫機密、言所不宜、罪名明白、當填牢獄、先壽僵仆、萬死有餘、

壽雖減死竟以自殺敞言可謂能信其友不欺君
矣

1137

新刊增補

何敞

字文高扶風人元和中辟大尉宋由府後拜爲尚書

諫竇氏封事

夫忠臣憂世、犯主嚴顏、譏刺貴臣、以致殺身滅家、而猶爲之者、何邪、君臣義重、有不得已也、臣伏見往事、國之危亂、家之將凶、皆有所由、較然易知、昔鄭武姜之幸叔段、衛莊公之寵州吁、愛而不教、終至凶戾、由是觀之、愛子若此、猶饑而食之以毒、適所以害之也、伏見大將軍竇憲、始遭大憂、公卿比奏、欲令典幹國事、憲深執謙退、固辭盛位、懇懇勤勤、言以深至、天下

聞之莫不悅喜。今踰年無幾，大禮未終，卒然中改，兄弟專朝，憲秉三軍之重，篤景總官衛之權，而虐用百姓，奢侈僭倖，誅戮無罪，肆心自快。今者論議洶洶，咸謂叔段州吁復生於漢，臣觀公卿懷持兩端，不肯極言者，以爲憲等若有匪懈之志，則已受吉甫褒申伯之功。如憲等陷于罪辜，則自取陳平周勃順呂后之權，終不以憲等吉凶爲憂也。臣敞區區誠欲計策兩安，絕其綿綿塞其涓涓，上不欲令皇太后損父母之號，陛下有晉泉之譏，下使憲等得長保其福佑，然臧

獲之謀。上安主父。下安主母。猶不免於嚴怒。臣伏惟
累祖蒙恩。至臣八世。復以愚陋。旬年之間。歷顯位。備
機近。每念厚德。忽然忘生。雖知言必夷滅。而冒死自
盡者。誠不忍目見其禍。而懷默苟全。駙馬都尉瓌。雖
在弱冠。有不隱之忠。比請退身。願仰家權。可與叅謀。
聽順其意。誠宗廟至計。竇氏之福。

敝言已切。憲怨已深。不蒙其禍。亦哀任正色于上。
得以抗議如此也。

班超

字仲升，彪少子，爲人不修細節，然內孝謹，家貧，傭書以供養，久勞苦，輟業投筆。

請兵疏

建初二年，超攻姑墨城，破之，欲因此，臣平諸國上疏請兵。

臣竊見先帝欲開西域，故北擊匈奴，西使外國，鄯善于寘，卽時向化，今拘彌、莎車疏勒、月氏、烏孫康居，復願歸附，欲共并力，破滅龜茲，平通漢道。若得龜茲，則西域未服者，百分之一耳。臣伏自惟念，卒伍小吏，實願從谷吉，效命絕域，庶幾張騫棄身曠野，昔魏絳列國大夫，尚能和輯諸戎，況臣奉大漢之威，而無鈐刀一割之用乎？前世議者，皆曰：取三十六國，號爲斷匈。

奴右臂。今西域諸國。自日之所入。莫不化向。大小欣
欣。貢奉不絕。唯焉耆龜茲。獨未服從。臣前與官屬三
十六人。奉使絕域。備遭艱厄。自孤守疏勒。於今五載。
訪夷情數。臣頗識之。問其城郭小大。皆言倚漢與依
天等。以是效之。則葱嶺可通。葱嶺通則龜茲可伐。今
宜拜龜茲侍子白霸爲其國王。以步騎數百送之。與
諸國連兵。歲月之間。龜茲可禽。以夷狄攻夷狄。計之
善者也。臣見莎車疏勒。田地肥廣。草木饒衍。不比敦
煌鄯善間也。兵可不費中國而糧食自足。且姑墨溫

宿二王。特爲龜茲所置。旣非其種。更相厭苦。其執必有降反。若二國來降。則龜茲自破。願下臣章。參考行事。誠有萬分死復何恨。臣超區區。特蒙神靈。竊冀未便。僵仆。目見西域平定。陛下舉萬年之觴。薦勲祖廟。布大喜於天下。

讀仲升文。超邁卓犖。非獨武功壯也。

前年秋九月詔曰朕聞古之聖王也

必先慎乎人

身處乎民中而為天子之計者必先慎乎人

夫為人主者必先慎乎人然後可以為天下

計矣夫為人主者必先慎乎人然後可以為天下

計矣夫為人主者必先慎乎人然後可以為天下

張衡

字平子南陽人善機巧尤致思於天文陰陽歷算

陳事疏

時政事漸損權移於下衡因上疏

伏惟陛下宣哲克明繼體承天中遭傾覆龍德泥蟠

傾覆謂順帝為太子時廢為濟陰王

今乘雲高躋磐桓天位誠所謂將

隆大位必先倥偬之也

倥偬窮困也

親履艱難者知下情

備經險易者達物偽故能一貫萬機靡所疑惑百揆

允當庶績咸熙宜獲福祉神祇受譽黎庶而陰陽未

和災眚屢見神明幽遠冥鑒在茲福仁禍淫景響而

應因德降休乘失致咎天道雖遠吉凶可見近世鄭

秦江樊周廣王聖皆爲效矣。故恭儉畏忌必蒙祉祚。奢淫諂慢鮮不夷戮。前事不忘後事之師也。夫情勝其性。流遜忘反。豈唯不肖中才皆然。苟非大賢不能見得思義。故積惡成釁。罪不可解也。向使能瞻前顧後。援鏡自戒。則何陷於凶患乎。貴寵之臣衆所屬仰。其有愆尤。上下知之。褒美譏惡。有心皆同。故怨讟溢乎四海。神明降其禍辟也。頃年雨常不足。思求所失。則浩範所謂僭恒陽若者也。懼羣臣奢侈。昏踰典式。自下逼上。用速咎徵。又前年京師地震土裂。烈者威。

分震者人擾也。君以靜唱，臣以動和。威自上出，不趣於下。禮之政也。竊懼聖恩厭倦，制不專已，恩不忍割，與衆共威，威不可分。德不可其。洪範曰：臣有作威作福，王害于而家，凶于而國。天鑒孔明，雖疎不失。災異示人，前後數矣，而未見所革，以復往悔也。復反自非聖人，不能無過。願陛下思惟所以稽古率舊，勿令刑德八柄不繇天子。若恩從上下，事依禮制，禮制修則奢僭息，事令宜則無凶咎。然後神望允塞，災消不至矣。

智竊天地思引玄微爲文峭潔通明廻復如此

蔡邕

字伯喈陳留人邕性篤孝母卒廬於冢側有兎馴擾其旁又木生連理辟司徒橋玄府遷議郎奏求正定六經文字自書於碑

陳政要封事

時頻有雷霆疾風傷樹拔木之害制書引咎羣臣各陳政務所當施行邕上行封事

臣伏讀聖旨、雖周成遇風、訊諸執事、宣王遭旱、密勿祗畏、無以或加、臣聞天降災異、緣象而至、辟歷數發、殆刑誅繁多之所生也、風者天之號令、所以教人也、夫昭事上帝、則自懷多福、宗廟致敬、則鬼神以著、國之大事、實先祀典、天子聖躬所當恭事、臣自在宰府、

及備朱衣迎氣五郊而車駕稀出四時至敬屢委有司雖有解除猶爲疎廢故皇天不悅顯此諸異鴻範傳曰政悖德隱厥風發屋折木坤爲地道易稱安貞陰氣憤盛則當靜反動法爲下叛夫權不在上則電傷物政有苛暴則虎狼食人貪利傷民則蝗蟲損稼去六月二十八日太白與月相迫兵事惡之鮮卑犯塞所從來遠今之出師未見其利上違天文下逆人事誠當博覽衆議從其安者臣不勝憤懣謹條宜所施行七事表左

一事明堂月令天子以四立及季夏之節迎五帝於郊所以導致神氣祈福豐年清廟祭祀追往孝敬養老辟雍示人禮化皆帝者之大業祖宗所祗奉也而有司數以蕃國疎喪宮內產生及吏卒小汚屢生忌故竊見南郊齊戒未嘗有廢至於它祀輒興異議豈南郊卑而它祀尊哉孝元皇帝策書曰禮之至敬莫重於祭所以竭心親奉以致肅祗者也又元和故事復申先典前後制書推心懇側而近者以來更任太史忘禮敬之大任禁忌之書拘信小故以虧大典禮

行漢書
二
妻妾產者齊則不入側室之門無廢祭之文也所謂
宮中有卒三月不祭者謂士庶人數堵之室共處其
中耳豈謂皇居之曠臣妾之衆哉自今齊制宜如故
典庶答風霆災妖之異

二事臣聞國之將興至言數聞內知已政外見民情
是故先帝雖有聖明之姿而猶廣求得失又因災異
援引幽隱重賢良方正敦朴有道之選危言極諫不
絕於朝陛下親政以來頻年災異而未聞特舉博選
之旨誠當思省述修舊事使抱忠之臣展其狂直以

解易傳政悖德隱之言

三事夫求賢之道未必一塗或以德顯或以言揚頃者立朝之士曾不以忠信見賞恒被謗訕之誅遂使羣下結口莫圖正辭郎中張文前獨盡狂言聖聽納受以責三司臣子曠然衆庶解悅臣愚以爲宜擢文右職以勸忠謇宣聲海內博開政路

四事夫司隸校尉諸州刺史所以督察姦枉分別白黑者也伏見幽州刺史楊熹益州刺史龐芝涼州刺史劉虔各有奉公疾姦之心熹等所糾其効尤多餘

皆枉撓不能稱職。或有抱罪懷瑕與下同疾。綱網弛縱莫相舉察。公府臺閣亦復默然。五年制書議遣八使。又令三公誣言奏事。是時奉公者欣然得志。邪枉者憂悸失色。未詳斯議。所因寢息。昔劉向奏曰。夫執狐疑之計者。開羣枉之門。養不斷之慮者。來讒邪之口。今始聞善政。旋復變易。足令海內測度朝政。宜追定八使。糾舉非法。更選忠清。平章賞罰。三公歲盡差其殿最。使吏知奉公之福。營私之禍。則衆災之原庶可塞矣。

五事臣聞古者取士必使諸侯歲貢孝武之世郡舉
孝廉又有賢良文學之選於是名臣輩出文武並興
漢之得人數路而已夫書畫辭賦才之小者匡國理
政未有其能陛下卽位之初先涉經術聽政餘日觀
省篇章聊以游意當代博奕非以教化取士之本而
諸生競利作者鼎沸其高者頗引經訓風喻之言下
則連偶俗語有類俳優或竊成文虛冒名氏臣每受
詔於盛化門差次錄第其未及者亦復隨輩皆見拜
擢旣加之恩難復收改但守奉祿於義已弘不可復

使理人及仕州郡。昔孝宣會諸儒於石渠。章帝集學士於白虎。通經釋義。其事優大。文武之道。所宜從之。若乃小能小善。雖有可觀。孔子以爲致遠則泥。君子故當志其大者。

六事。墨綬長吏。職典理人。皆當以惠利爲績。日月爲勞。褒責之科。所宜分明。而今在任。無復能省。及其還者。多召拜議郎。郎中。若器用優美。不宜處之冗散。如有釁故。自當極其刑誅。豈有伏罪懼考。反求遷轉。更相放効。臧否無章。先帝舊典。未嘗有此。可以勵絕。以

覈真僞。

七事。伏見前一切以宣陵孝子者爲太子舍人。臣聞孝文皇帝制喪服三十六日。雖繼體之君父子至親。公卿列臣受恩之重。皆抑情從制。不敢踰越。今虛僞小人。本非骨肉。旣無幸私之恩。又無祿仕之實。惻隱思慕。情何緣生。而羣聚山陵。假名稱孝。行不隱心。義無所依。至有姦軌之人。通容其中。恒思皇后祖載之時。東郡有盜人妻者。亾在孝中。本縣追捕。乃伏其辜。虛僞雜穢。難得勝言。又前至得拜。後輩被遺。或經年。

陵次以暫歸見漏。或以人自代。亦蒙寵榮。爭訟怨恨。凶凶道路。太子官屬宜搜選令德。豈有但取丘墓凶醜之人。其爲不祥。莫與大焉。宜遣歸田里。以明詐僞。邕號博雅。有史才。其文爲後書所載者。唯此最優矣。

李固

字子堅漢中人司徒郃之子也少好學常步尋師不遠千里有志之士多慕其風京師咸嘆

曰是後爲

李公矣

對詔

陽嘉二年有地山崩火災之異公卿舉固對策詔又特問當世之敝爲政所宜固對

固對曰臣聞王者父天母地寶有山川王道德則陰

陽和穆政化垂則崩震爲災斯皆關之天心效之成

事者也夫化以職成官由能理古之進者有德有命

命爵命也言有德者乃可加爵命也

今之進者唯賄與力伏聞詔書務

求寬博疾惡嚴暴而今長吏多殺伐致聲名者必加

遷賞其存寬和無黨援者輒見斥逐是以淳厚之風

不宣彫薄之俗未革雖繁刑重禁何能有益前孝安

皇帝變亂舊典封爵阿母

阿母王聖

因造妖孽使樊豐之

徒乘權放恣侵奪主威敗亂嫡嗣

謂順帝爲太子時廢爲濟陰王

至

令聖躬狼狽親遇其艱既拔自困殆龍興卽俸天下

喁喁屬望風政積敝之後易致中興誠當沛然思惟

善道而論者猶云方今之事復同於前臣伏從山草

痛心傷臆實以漢興以來三百餘年賢聖相繼十有

八主豈無阿乳之恩豈忘爵賞之寵然上畏天威俯

案經典知義不可故不封也今宋阿母雖有大功勤

謹之德。但加賞賜。足以酬其勞苦。至于裂土開國。實
垂舊典。聞阿母體性謙虛。必有遜讓。陛下宜許其辭。
國之高。使成萬安之福。夫妃后之家。所以少完全者。
豈天性當然。但以爵祿尊顯。專總權柄。天道惡盈。不
知自損。故至顛仆。先帝寵遇閭氏。位號太疾。故其受
禍。曾不旋時。老子曰。其進銳其退速也。今梁氏戚爲
椒房。禮所不臣。尊以高爵。尚可然也。而子弟群從。榮
顯兼加。永平建初故事。殆不如此。宜令步兵校尉冀
及諸侍中。還居黃門之官。使權去外戚。政歸國家。豈

不休乎。又詔書所以禁侍中尚書中臣子弟不得爲
吏察孝廉者。以其秉威權容請託故也。而中常侍在
日月之側。聲勢振天下。子弟祿仕。曾無限極。雖外託
謙默。不干州郡。而諂僞之徒。望風進舉。今可爲設常
禁。同之中臣。昔館陶公主爲子求郎。明帝不許。賜錢
千萬。所以輕厚賜。重薄位者。爲官人失才。害及百姓
也。竊聞長水司馬武宣。開陽城門候羊廸等。無他功
德。初拜便真。此雖小失。而漸壞舊章。先聖法度所宜
堅守。政教一跌。百年不復。詩云。上帝板板。下民卒瘁。

刺周王變祖法度。故使下民將盡病也。今陛下之有
尚書。猶天之有北斗也。斗爲天喉舌。尚書亦爲陛下
喉舌。斗斟酌元氣。運平四時。尚書出納王命。賦政四
海。權尊執重。責之所歸。若不平心。災眚必至。誠宜審
擇其人。以毗聖政。今與陛下共理天下者。外則公卿
尚書。內則常侍黃門。譬猶一門之內。一家之事。安則
共其福慶。危則通其禍敗。刺史二千石。外統職事。內
受法則。夫表曲者景必邪。源清者流必絜。猶叩樹本
百枝皆動也。周頌曰。薄言振之。莫不震疊。此言動之

於內而應於外者也。由此言之。本朝號令。豈可蹉跌。間隙一開。則邪人動心。利競暫啓。則仁義道塞。刑罰不能復禁。化導以之寢壞。此天下之紀綱。當今之急務。陛下宜開石室。陳圖書。招會群儒。引問得失。指櫛變象。以求天意。其言有中理。卽時施行。顯拔其人。以表能者。則聖聽日有所聞。忠臣盡其所知。又宜罷退宦官。去其權重。裁制常侍二人。方直有德者省事。左右小黃門五人才智閑雅者。給事殿中。如此。則論者厭塞。升平可致也。臣所以敢陳愚瞽。冒昧自聞者。儻

或皇天欲令微臣覺悟陛下陛下宜熟察臣言憐
臣死。

阿母宦官外戚觸其一足以死一策之中三禍格
焉忠義蘊發卽知旋踵不可已也

此處有模糊不清之文字，似為古文或篆書，因字跡過於模糊，無法辨識其具體內容。

字仲舉汝南人年十五嘗閑處一室庭宇蕪穢
父友薛勤來候之謂蕃曰孺子何不洒掃以待
賓客蕃曰大丈夫處世當

掃除天下安事一室乎

諫考實黨事疏

李膺等以黨事下獄
考實蕃因上疏極諫

諫曰臣聞賢明之君委心輔佐亡國之主諱聞直辭
故湯武雖聖而興於伊呂桀紂迷惑亡在失人由此
言之君為元首臣為股肱同體相須共成美惡者也
伏見前司隸校尉李膺太僕杜密太尉掾范滂等正
身無玷死心社稷以忠忤旨橫加考案或禁錮閉隔
或死徙非所杜塞天下之口聾盲一世之人與秦焚

書阮儒何以爲異。昔武王克殷，表閭封墓，今陛下臨政，先誅忠賢，遇善何薄，待惡何優。夫讒人似實，巧言如簧，使聽之者惑，視之者昏。夫吉凶之効，存乎識善，成敗之機，在于察言。人君者，攝天地之政，秉四海之維，舉動不可以違聖法，進退不可以離道規。謬言出口，則亂及八方。何況髡無罪于獄，殺無辜于市乎。昔禹巡狩蒼梧，見市殺人，下車而哭之曰：「萬方有罪，在予一人，故其興也勃焉。」又青徐災旱，五穀損傷，民物流遷，茹菽不足，而宮女積於房掖，國用盡於羅紈，外

戚私門貪財受賂所謂祿去公室政在大夫昔春秋

之末周德衰微數十年間無復災責者天所棄也春秋

感精符曰曾哀公政亂絕無日食天不譴報也天之於漢恨恨無已恨恨猶眷眷也

故殷勤示變以悟陛下除妖去孽實在修德臣位列

台司憂責深重不敢尸祿惜生坐觀成敗如蒙採錄

使身首分裂異門而出所不恨也

陳大尉剛毅果決足以有爲需遲失會敗於同人

之手將無國運使然非臨機之不斷也

竇武

字游平扶風人少以經行著稱延熹八年

選入掖庭桓帝以爲貴人其冬立爲皇后武爲大將軍嘗有誅剪宦官之意

諫黨事疏

李膺杜密等爲黨事考逮武上疏諫

臣聞明主不諱譏刺之言以探幽暗之實忠臣不恤諫爭之患以暢萬端之事是以君臣並熙名奮百世臣幸得遭盛明之世逢文武之化豈敢懷祿逃罪不竭其誠陛下初從藩國爰登聖祚天下逸豫謂當中興自卽位以來未聞善政梁孫冠鄧雖或誅滅而常侍黃門續爲禍虐欺罔陛下競行譎詐自造制度妄

爵非人、朝政日衰、姦臣日強、伏尋西京放恣王氏、佞臣執政、終喪天下、今不慮前事之失、復循覆車之軌、臣恐二世之難、必將復及、趙高之變、不朝則夕、近者姦臣牢修、造設黨議、遂收前司隸校尉李膺、太僕杜密、御史中丞陳翔、太尉掾范滂等、逮考連及數百人、曠年拘錄、事無効驗、臣惟膺等建忠抗節、志經王室、此誠陛下稷卨伊呂之佐、而虛爲姦臣賊子之所誣枉、天下寒心、海內失望、惟陛下留神澄省、時見理出、以厭人鬼喁喁之心、臣聞古之明君、必須賢佐以成

政道。今臺閣近臣尚書令陳蕃、僕射胡廣、尚書朱寓、荀緄、劉祐、魏朗、劉矩、伊勲等，皆國之貞士、朝之良佐。尚書郎張陵、矯皓、苑康、楊喬、邊韶、戴恢等，文質彬彬，明達國典，內外之職，群才並列。而陛下委任近習，專樹饗餐，外典州郡，內幹心膂，宜以次貶黜，案罪糾罰。抑奪宦官，欺國之封，案其無狀，誣罔之罪，信任忠良，平決臧否，使邪正毀譽，各得其所。寶愛天官，唯善是授。如此，咎徵可消，天應可待。間者有嘉禾、芝草、黃龍之見，夫瑞生必於嘉士，福至實由善人。在德爲瑞，無

德爲災陛下所行不合天意不宐稱慶

武之此疏能得之於桓曹節之事不能得之于后
莫爲而爲豈非命與

楊賜

字伯獻秉子少傳家學篤志博聞

青蛇見上封事

賜遷少府光祿勳熹平元年青蛇見御坐賜上封事

臣聞和氣致祥乖氣致災休徵則五福應咎徵則六

極至夫善不妄來災不空發王者心有所惟意有所

想雖未形顏色而五星以之推移陰陽為其變度以

此而觀天之與人豈不符哉尚書曰天齊乎人假我

一日是其明徵也我謂君也天意欲整齊于人心假於君也夫皇極不建

則有蛇龍之孽洪範五行傳曰皇大也極中也建立也孽災也君不合大中是謂不立蛇

龍陰類也詩云惟虺惟蛇女子之祥詩小雅虺蛇亢居陰之類故春秋

兩蛇鬪於鄭門，昭公殆以女敗。

洪範五行傳曰：初鄭厲公劫相祭仲而篡。

兄昭公立為鄭君，後雍糺之難厲公出奔鄭人立昭公，既立內蛇與外蛇。

康王一朝晏起。

關雎見幾而作。

事見魯詩今亡失也。

夫女謁行，則讒夫昌，讒夫

昌，則苞苴通，故殷湯以之自戒，終濟亢旱之災，惟陛

下思乾剛之道，別內外之宜，崇帝乙之制，受元吉之

祉。

易泰卦六五曰：帝乙歸妹以祉，元吉也。

抑皇甫之權，割豔妻之愛，則

蛇變可消，禎祥立應，殷戊宋景其事甚明。

顏色未形，徵應先見，天人之際，精微極矣。

孔融

薦禰衡疏

衡氣尚剛傲好矯時慢物唯善孔融及楊修常稱曰大兒孔文舉小兒楊德祖餘子碌碌莫足數也

融遂與爲友上疏薦之

疏曰臣聞洪水橫流帝思俾乂旁求四方以招賢俊昔孝武繼統將弘祖業疇咨熙載群士響臻陛下攄聖纂承基緒遭遇厄運勞謙日昃惟岳降神異人並出竊見處士平原禰衡年二十四字王平淑質貞亮英才卓犖初涉藝文升堂覩奧目所一見輒誦於口耳所警聞不忘於心性與道合思若有神弘羊潛計

安世默識以衡準之誠不足怪忠果正直志懷霜雪
見善若驚疾惡如讐任座抗行史魚厲節殆無以過
也鷲鳥累伯不如一鶚使衡立朝必有可觀飛辯騁
辭溢氣全涌解疑釋結臨敵有餘昔賈誼求試屬國
詭係單于終軍欲以長纓牽致勁越弱冠慷慨前世
美之近日路粹嚴象亦用異才擢拜臺郎衡宜與爲
比如得龍躍天衢振翼雲漢揚聲紫微垂光虹蜺足
以昭近署之多士增四門之穆穆鈞天廣樂必有奇
麗之觀帝室皇居必蓄非常之寶若衡等輩不可多

得激楚揚阿至妙之容臺牧者之所貪飛兔騷褻絕
足奔放良樂之所急臣等區區敢不以聞
何其言之有味也

問其言之利也

且其言之利也

而始其利也

後漢書

許清胤介夫

閩漳侯世淮晉水

雲間

顧在觀觀生輯評

顧之萃宗之叅訂

勾章陳

裕廣生

陳

祐天生

鄧禹

字仲華南陽人聞光武安集河北杖策追及因進說

請用人以收民心

更始雖都關西、今山東未安、赤眉青犢之屬、動以萬數、三輔假號、往往羣聚、更始既未有所挫、而不自聽斷、諸將皆庸人屈起、志在財幣、爭用威力、朝夕自快

而已。非有忠良明智深慮遠圖欲尊主安民者也。四方分崩離析。形勢可見。明公雖見藩輔之功。猶恐無所成立於今之計。莫如延攬英雄。務悅民心。立高祖之業。救萬民之命。以公而慮天下不足定也。

中興大計數語劃然

方望

辭隗囂書

更始遣使徵囂將行望以爲更始未知止之不聽囂以書辭謝而去

足下將建伊呂之業、弘不世之功、而大事草創、英雄未集、以望異域之人、疵瑕未露、欲先崇郭隗、想望樂毅、故欽承大旨、順風不讓、將軍以至德尊賢、廣其謀慮、動有功、發中權、基業已定、大勲方緝、今俊乂並會、羽翮比肩、望無耆耆之德、而猥託賓客之上、誠自愧也、雖懷介然之節、欲潔去就之分、誠忠不背其本貳其志也、何則、范蠡收責、句踐乘偏舟于五湖、咎犯謝

罪文公亦逡巡於河上夫以二子之賢勒銘兩國猶
削跡歸愆請命乞身望之無勞蓋其宜也望聞烏氏
有龍池之山微徑南通與漢相屬其傍時有奇人聊
及閑暇廣求其真願將軍勉之

此去便復終不可卽豈不到今令人作想

竇融

字周公扶風人更始時爲張掖屬國都尉光武卽位遣使奉書獻馬

責讓隗囂書

囂反叛融與囂書

責讓之曰伏惟將軍國富政修士兵懷附親遇危會

之際國家不利之時守節不回承事本朝後遣伯春

囂子恂之字也

委身於國無疑之誠於斯有效融等所以欣

服高義願從役於將軍者良爲此也而忿悁之間改

節易圖君臣分爭上下接兵委成功造難就去從義

爲橫謀百年累之一朝毀之豈不惜乎殆執事者貪

功建謀以至於此融竊痛之當今西州地執局迫人

兵離散易以輔人難以自建計若失路不反聞道猶
迷不南合子陽則北入文伯耳夫負虛交而易強禦
恃遠救而輕近敵未見其利也融聞智者不危衆以
舉事仁者不違義以要功今以小敵大於衆何如棄
子微功於義何如且初事本朝稽首北面忠臣節也
及遣伯春垂涕相送慈父恩也俄而背之謂吏士何
忍而棄之謂留子何自起兵以來轉相攻擊城郭皆
爲丘墟生人轉爲溝壑今其存者非鋒刃之餘則流
亡之孤迄今傷痍之體未愈哭泣之聲尚聞幸賴天

運少還而大將軍復重於難是使積疴不得遂瘳幼
孤將復流離其爲悲痛尤足愍傷言之可爲酸鼻庸
人且猶不忍況仁者乎融聞爲忠甚易得宜實難憂
人大過以德取怨知且以爲獲罪也區區所獻唯將
軍省焉

用以納誨於隗囂卽用以剖忠於光武

馬援

字文淵扶風茂陵人避地涼州隗囂與決籌策使援奉書洛陽引見世祖壯之後拜伏波將軍

封新

息侯

與囂將楊廣書

囂發兵拒漢援為書與囂將楊廣使勸諭于囂

春卿無恙前別冀南寂無音驛援間還長安因留上

林竊見四海已定兆民同情而季孟閉拒背畔為天

下表的

言為天下所指射也

常懼海內切齒思相屠裂故遺書

戀戀以致側隱之計乃聞季孟歸罪於援而納王游

翁諂邪之說

游翁王元字

自謂函谷以西舉足可定以今

而觀竟何如邪援間至河內過存伯春見其奴吉從

西方還說伯春小弟仲舒望見吉欲問伯春無它否
竟不能言曉夕號泣婉轉塵中又說其家悲愁之狀
不可言也夫怨讐可刺不可毀援聞之不自知泣下
也援素知季孟孝愛曾閔不過夫孝於其親豈不慈
於其子可有子抱三木而跳梁妄作自同分羹之事
乎季孟平生自言所以擁兵衆者欲以保全父母之
國而完墳墓也又言苟厚士大夫而已而今所欲全
者將破亾之所欲完者將毀傷之所欲厚者將反薄
之季孟嘗折愧子陽而不受其爵

憚猶辱也

今更共陸陸

欲往附之將難爲顏乎若復責以重質當安從得子
主給是哉往時子陽獨欲以王相待而春卿拒之今
者歸老更欲低頭與小兒曹共槽櫪而食併肩側身
於怨家之朝乎男兒溺死何傷而拘游哉今國家待
春卿意深宜使牛孺卿與諸耆老大人共說季孟若
計畫不從真可引領去矣前披輿地圖見天下郡國
百有六所奈何欲以區區二邦以當諸夏百有四乎
春卿事季孟外有君臣之義內有朋友之道言君臣
邪固當諫爭語朋友邪應有切磋豈有知其無成而

但萎腰咋舌叉手從族乎及今成計殊尚善也過是
欲少味矣且來君叔天下信士朝廷重之其意依依
常獨爲西州言援商朝廷尤欲立信於此必不負約
援不得久留願急賜報

伏波受齊詩不爲章句文采深壯果然不傍西漢
入門戶

孔融

字文舉魯國人年十歲造河南尹李膺曰先君孔子與君先人李老君同德比義而相師友則

融與君累

世通家

報曹操書

融見操雄詐漸著數不能堪發辭偏宕多致乖忤山陽郗慮承望風旨奏

免融官操故書

激厲融融報曰

猥惠書教告所不逮融與鴻豫州里比鄰知之最早

雖嘗陳其功美欲以厚於見私信於爲國不求其覆

過掩惡有罪望不坐也前者黜退懽欣受之昔趙宣

子登朝韓厥夕被其戮喜而求賀

國語曰宣子言韓厥於靈公以爲司

馬曲河之役趙宣子使人以况無被入之功而敢枉其乘車干行韓厥執而戮之

之漢書

富官之平哉。忠非三閭即屈原也。智非鼃錯。竊位爲過。免

罪爲幸。乃使餘論遠聞。所以慙懼也。朱彭寇賈。爲世

壯士。愛惡相攻。能爲國憂。至於輕弱。薄劣。猶昆蟲之

相齧。適足還害其身。誠無所至也。晉侯嘉其臣所爭

者大。而師曠以爲不如心競。左傳泰伯之弟鍼如晉修成叔向命召來人子

員行人子朱曰朱也當御三云叔向不應子朱怒曰班爵同何以黜朱於朝撫劍從之叔向曰秦晉不和

久矣今日之事幸而集晉國賴之不集三軍暴骨子員道二國之言無私子常易之姦以事君者吾所能

禦也拂衣從之人救之平公曰晉其庶乎吾臣之性所爭者大師曠曰公室懼卑臣不心競而力爭也

既遲緩。與人無傷。雖出勝下之負。榆次之辱。不知貶

敗之於已。猶蚊虻之過也。子產謂人心不相似。或矜

執者。欲以取勝。為榮。不念宋人待四海之客。大鑪不

欲令酒酸也。

韓子曰。宋人有沽酒者。斗榘甚平。遇客甚謹。為酒甚美。而酒不售。酒酸者。怪者。

故問所知。問長者。楊倩二人曰。汝狗猛。耶曰。狗猛。何故不售。曰。人畏焉。

至於屈穀巨瓠。

堅而無竅。當以無用罪之耳。它者奉尊嚴教。不敢失

墜。郤為故吏。融非推進。趙衰之拔郤穀。

左傳。晉文公謀元帥。趙衰

曰。郤穀可。乃使郤穀將中軍。

不輕公叔之升臣也。知同其愛。訓誨

發中。雖懿伯之忌。猶不得念。

禮記檀弓曰。滕成公之喪。使子叔敬叔弔。子服

惠伯為介。及郊。為懿伯之忌。不入。惠伯曰。政也不可以叔父之私。不將公事。遂入。忌怒也。况恃舊

行誼書
交而欲自外於賢吏哉。
苦言至意終身誦之。

賢吏謂慮也

輒布腹心修好如初。

免公者操也非慮也直曰視猶蚊虻能蚊虻操者
非泰山而何

袁紹

字本初汝南人司徒湯之孫紹壯健好交結累世台司賓客所歸

檄曹操

曹操畏紹過河急擊劉備破之備奔紹紹於是進攻許昌乃先宣檄

檄曰蓋聞明主圖危以制變忠臣慮難以立權曩者
強秦弱主趙高執柄專制朝命威福由已終有望夷
之禍汚辱至今及臻呂后祿產專政擅斷萬機決事
禁省下陵上替海內寒心於是絳侯朱虛興威奮怒
誅夷逆暴尊立太宗故能道化興隆光明融顯此則
大臣立權之明表也司空曹操祖父騰故中常侍與
左悺徐璜並作妖孽饕餮放橫傷化虐人父嵩乞匄

行漢書
攜養。

嵩騰養子莫能審其生而本末

因臧買位。與金輦寶。輸貨權門。

竊盜鼎司。傾覆重器。操姦闔遺醜。本無令德。僞狡鋒。

俠好亂樂禍。

鋒俠言如其鋒之利也

幕府董統鷹揚。埽夷凶逆。

謂紹誅諸閹人

續遇董卓侵官暴國。

左傳侵官冒也

於是提劔揮鼓。

發命東夏。廣羅英雄。棄瑕錄用。故遂與操參咨策畧。

謂其鷹犬之才。爪牙可任。至乃懸佻短應。輕進易退。

傷夷折劔。數喪師徒。

操引兵曹將據成臯。到滎陽。汴水遇卓將徐榮戰不利。士卒死

傷多操爲流矢所中

幕府輒復分兵。命銳修完。補輯表行。東郡。

太守兗州刺史。被以虎文。授以偏師。獎就威柄。冀獲。

秦師一克之報而遂乘資跋扈肆行酷烈剗剗元元
殘賢害善故九江太守邊讓英才雋逸以直言正色
論不阿諂身被梟懸之戮妻孥受灰滅之咎自是士
林憤痛人怨天怒一夫奮臂舉州同聲故躬破于徐
方地奪於呂布陶謙爲徐州牧操初征之下十餘城
後復征謙收五城遂畧地至東海還
過郊會張邈與陳宮畔迎呂布郡縣皆應布西屯濮
陽而操攻之布出兵戰操兵奔陳亂馳突火出墜馬
燒左彷徨東裔蹈據無所幕府惟強幹弱枝之義且
不登畔人之黨故復援旌擐甲席捲赴征金鼓響震
布衆破沮拯其死亡之患復其方伯之任是則幕府

無德於充土。而有大造於操也。會後鑾駕東反。群虜

亂政。時冀州方有北鄙之警。匪遑離局。

北鄙之警。謂公孫瓚攻紹。

也。故使從事中郎徐勲。就發遣操。使繕修郊廟。翼衛

幼主。而便放志專行。威劫省禁。卑侮王僚。敗法亂紀。

坐召三臺。專制朝政。

尚書爲中臺。御史爲憲臺。謁者爲外臺。

爵賞由心。

刑戮在口。所愛光五宗。所怨滅三族。群談者受顯誅。

腹議者蒙隱戮。道路以目。百辟鉗口。尚書記期會。公

卿充員品而已。故太尉楊彪。歷典二司。元綱極位。操

因睚眦。被以非罪。勞楚并兼五毒。俱至。觸情放慝。不

顧憲章又議郎趙彥忠諫直言。議有可納。故聖朝舍
聽改容加錫。操欲迷奪時明。杜絕言路。擅收立殺。不
俟報聞。又梁孝王先帝母弟。墳陵尊顯。松柏桑梓。猶
宜恭肅。操率將吏士親臨發掘。破棺裸尸。掠取金寶。
至令聖朝流涕。士民傷懷。又署發丘中郎將。模金校
尉。所過毀突。無骸不露。身處三公之官。而行桀虐之
態。汚國虐民。毒施人鬼。加其細政。苛慘科防。互設贈
繳。克蹊阬。穿塞路。舉手挂網羅。動足蹈機罔。是以克
豫有無聊之人。帝都有呼嗟之怨。歷觀古今書籍所

載貪殘虐烈。無道之臣。於操爲甚。幕府方詰外姦。未
及整訓。加意含覆。冀可彌縫。而操豺狼野心。潛包禍
謀。乃欲撓折棟梁。孤弱漢室。除忠害善。專爲梟雄。往
歲伐鼓北征。討公孫瓚。強禦桀逆。拒圍一年。操因其
未破。陰交書命。欲托助王師。以見掩襲。故引兵造河
方。舟北濟。會行人發露。瓚亦梟夷。故使鋒芒挫縮。厥
圖不果。屯據敖倉。沮河爲固。乃欲遣螳螂之斧。禦隆
車之隧。幕府奉漢威靈。折衝宇宙。長戟百萬。胡騎千
群。奮中黃育獲之士。騁良弓勁弩之勢。并州越太行。

青州涉濟漯大軍汎黃河以角其前。荊州下宛葉而
倚其後。雷霆虎步。並集虜庭。若舉炎火以焚飛蓬。覆
滄海而注燍炭。有何不消滅者哉。當今漢道陵遲。綱
弛網絕。搢以精兵七百。圍守宮闕。外稱陪衛。內以拘
質。懼篡逆之禍。因斯而作。乃忠臣肝膽塗地之秋。烈
士立功之會也。可不勗哉。

按文選及陳琳集此檄草自琳手本載不載並從
其人

彫彫

字叔皮扶風人彫詵高才而好述作遂專心史籍之間

史記論

司馬遷著史記太初以後闕而不錄彫乃作後傳數十篇斟酌前史譏正得失

其畧論曰唐虞三代詩書所及世有史官以司典籍暨於諸侯國自有史故孟子曰楚之檮杌晉之乘魯之春秋其事一也定哀之間魯君子左丘明論集其文作左氏傳三十篇又撰異同號曰國語二十篇由是乘檮杌之事遂闕而左氏國語獨章又有記錄黃帝以來至春秋時帝王公侯卿大夫號曰世本一十五篇春秋之後七國並爭秦并諸侯則有戰國策三

十三篇。漢興定天下，大中大夫陸賈記錄時功，作楚漢春秋九篇。孝武之世，太史令司馬遷採左氏國語，剛世本戰國策，據楚漢列國時事，上自黃帝，下訖獲麟，作本紀世家列傳書表，凡百三十篇，而十篇缺焉。遷之所記，從漢元至武以絕，則其功也。至於採經摭傳，分散百家之事，甚多疎略，不如其本，務欲以多聞廣載爲功，論議淺而不篤，其論術學，則崇黃老而薄五經，序貨殖，則輕仁義而羞貧窮，道游俠，則賤守節而貴俗功，此其大敝傷道，所以遇極刑之咎也。然善

之古者唯始受命之君承大亂之極冠賊姦軌難爲
法禁故不得不有一赦與之更新願育萬物以成大
化非以養姦活罪放縱天賊也夫性惡之民民之豺
狼雖得放宥之澤終無改悔之心旦脫重桔夕逞
固嚴明令尹不能使其斷絕何也凡敢爲大姦者
必有過於衆而能自媚於上者也多散誕得之財
以誂諛之辭以轉相驅非有第五公之廉直孰不爲
顧哉論者多曰久不赦則姦軌多而吏不制宜數肆
青以解散之此未昭政亂之本源不察禍福之所生

也、

救害曲盡譏切臧吏剝心剔腎此本傳謂其
時短計摘物情者也

固知則今其不論其禍歸何也又知爲大漢書
知難於效官之罪難無知轉之心且知重其
外非以養其罪效歸天知也夫卦惡之知知去
去禁其不歸不市一效與之更諫則育萬物以知大
之古者勤欲受命之世承大綱之神氣知去知

王符

字節信安定人耿介不和於俗以此不得升進竟不仕終于家

潜夫論

述赦篇 符著書三十餘篇以譏當世號曰潜夫

述赦篇曰凡療病者必知脉之虛實氣之所結然後爲之方故疾可愈而壽可長也爲國者必先知民之所苦禍之所起然後爲之禁故姦可塞而國可安也今日賊良民之甚者莫大於數赦贖赦贖數則惡人昌而善人傷矣何以明之哉夫謹勅之人身不蹈非又有爲吏正直不避彊禦而姦猾之黨橫加惡言者皆知赦之不久故也善人君子被侵怨而能至闕庭

自明者、萬無數人、數人之中、得省問者、百不過一、旣對尚書而空遣去者、復什六七矣、其輕薄姦軌、旣陷罪法、怨毒之家、冀其辜戮、以解畜憤、而反一槩悉蒙赦釋、令惡人高會而誇咤、老盜服臧而過門、孝子見讐而不得討、遭盜者覩物而不敢取、痛莫甚焉、夫養稂莠者傷禾稼、惠姦軌者賊良民、書曰、文王作罰、刑茲無赦、先王之制刑法也、非好傷人肌膚、斷人壽命也、貴威姦懲惡除人害也、故經稱天命有德、五服五章哉、天討有罪、五刑五用哉、詩刺彼宜有罪、汝反脫

述序事理。辯而不華。質而不野。文質相稱。蓋良史之才也。誠令遷依五經之法言。同聖人之是非。意亦庶幾矣。夫百家之書。猶可法也。若左氏國語。世本。戰國策。楚漢春秋。太史公書。今之所以知古。後之所由觀前。聖人之耳目也。司馬遷序帝王。則曰本紀。公侯傳國。則曰世家。卿士特起。則曰列傳。又進項羽陳涉而黜淮南衡山。細意委曲。條例不經。若遷之著作。採獲古今。貫穿經傳。至廣博也。一人之精。文重思煩。故其書刊落不盡。尚有盈辭。多不齊一。若序司馬相如舉

郡縣著其字。至蕭曹陳平之屬。及董仲舒。雖時之人。不記其字。或縣而不郡者。蓋不暇也。今後此篇。慎覈其事。整齊其文。不爲世家。唯紀傳而已。傳曰。殺史見極。平易正直。春秋之義也。

無史記。何以得有漢書。未可輕論。將不借彼短。莫見此長乎。然慎覈整齊。自許殊不爲過。

仲長統

字公理山陽高平人
好學博涉善於文辭

昌言

理亂篇 統參曹操軍事每論說古今及
時俗行事恒發憤嘆息因著論名曰昌言

凡三十
四篇

理亂篇曰豪傑之當天命者未始有天下之分者也
無天下之分故戰爭者競起焉干斯之時並僞假天
威矯據方國擁甲兵與我角才智程勇力與我競雌
雄不知去就疑誤天下蓋不可數也角知者皆窮角
力者皆負形不堪復仇執不足復校乃始羈首係頸
就我之銜繼耳夫或曾爲我之尊長矣或曾與我爲

等儕矣、或曾臣虜我矣、或曾執囚我矣、彼之蔚蔚、皆

匈冒腹詛、幸我之不成、

蔚與鬱古字通

而以奮其前志、詎肯

用此爲終死之分邪、及繼體之時、民心定矣、普天之下、賴我而得生育、由我而得富貴、安居樂業、長養子孫、天下晏然、皆歸心於我矣、豪傑之心、旣絕、士民之志已定、貴有常家、尊在一入、當此之時、雖下愚之才、居之、猶能使恩同天地、威侔鬼神、暴風疾霆、不足以方其怒、陽春時雨、不足以喻其澤、周孔數千、無所復角其聖、賁育百萬、無所復奮其勇矣、彼後嗣之愚主、

見天下莫敢與之違，自謂若天地之不可亡也。乃奔其私嗜，騁其邪欲，君臣宣淫，上下同惡，目極角觝之

觀耳。窮鄭衛之聲，

兩兩相當，角力角伎，藝射御，故名角觝。

人則耽於婦

人，出則馳於田獵，荒廢庶政，棄亡人物，澶漫彌流，無所底極。信任親愛者，盡佞諂客說之人也；寵貴隆豐者，盡后妃姬妾之家也。使餓狼守庖厨，饑虎牧牢豚，遂至熬天下之脂膏，斲生人之骨髓，怨毒無聊，禍亂並起。中國擾攘，四夷侵叛，土崩瓦解，一朝而去。昔之爲我哺乳之子孫者，今盡是我飲血之寇讐也。至于

運徙勢去猶不覺悟者豈非富貴生不仁沉溺至愚
疾邪存亡以之迭代政亂從此周復天道常然之大
數也又政之爲理者取一切而已非能斟酌賢愚之
分以開盛衰之數也日不如古彌以遠甚豈不然邪
漢興以來相與同爲編戶齊民而以財力相君長者
世無數焉而清潔之士徒自苦于荻棘之間無所益
損於風俗也豪人之室連棟數百膏田滿野奴婢千
群徒附萬計船車賈販周於四方廢居積貯滿於都
城有所廢有所蓄言其乘時射利也琦賂寶貨巨室不能容馬牛羊

豕山谷不能受妖童美妾填乎綺室倡謳妓樂列乎
深堂賓客待見而不敢去車騎交錯而不敢進三牲
之肉臭而不可食清醇之酎敗而不可飲睇盼則人
從其目之所視喜怒則人隨其心之所慮此皆公侯
之廣樂君長之厚實也苟能運智詐者則得之焉苟
能得之者人不以爲罪焉源發而橫流路開而四通
矣求士之舍榮樂而居窮苦棄放逸而赴束縛夫誰
肯爲之者邪夫亂世長而化世短亂世則小人貴寵
君子困賤當君子困賤之時踴天高躋地厚猶恐有

鎮厭之禍也。逮至清世，則復入於矯枉過正之檢。老者耄矣，不能及寬饒之俗；少者方壯，將復困於衰亂之時。是使姦人擅無窮之福利，而善士挂不赦之罪辜。苟目能辨色，耳能辨聲，口能辨味，體能辨寒溫者，將皆以修絜爲諱，惡設智巧以避之焉。况肯有安而樂之者邪？斯下世人主一切之愆也。昔春秋之時，周氏之亂世也，逮乎戰國，則又甚矣。秦政乘并兼之勢，放虎狼之心，屠裂天下，吞食生人，暴虐不已，以招楚漢用兵之苦甚於戰國，則又甚。漢二百年而遭王莽。

之亂計其殘夷滅亡之數又復倍于秦項矣以及今日名都空而不居百里絕而無民者不可勝數此則又甚於亡新之時也悲夫不及五百年大難三起中間之亂尚不數焉變而彌猜下而加酷推此以往可及於盡矣嗟乎不知來世聖人救此之道將何用也又不知天若窮此之數欲何至邪

前用以悲獻帝後用以自悲可以觀世亂矣

仲長統

昌言 法誠篇

法誠篇曰、周禮六典、冢宰貳王而理天下、春秋之時、諸侯明德者、皆一卿爲政、爰及戰國、亦皆然也、秦兼天下、則置丞相而貳之以御史大夫、自高帝逮于孝成、因而不改、多終其身、漢之隆盛、是惟在焉、夫任一人、則政專、任數人、則相倚、政專則和諧、相倚則違戾、和諧則太平之所興也、違戾則荒亂之所起也、光武皇帝愠數世之失權、忿彊臣之竊命、矯枉過直、政不

任下，雖置三公，事歸臺閣。自此以來，三公之職，備員而已。然政有不理，猶加譴責，而權移外戚之家，寵被近習之豎，親其黨類，用其私人，內充京師，外布列郡，顛倒賢愚，貿易選舉，疲駑守境，貪殘牧民，撓擾百姓，忿怒四夷，招致乖叛，亂離斯瘼，怨氣並作，陰陽失和，三光虧缺，怪異數至，蟲螟食稼，水旱爲災，此皆戚宦之臣所致。然也。反以策讓三公，至於死免，乃足爲叫呼蒼天，號咷泣血者也。又中世之選三公也，務於清慤，謹慎，循常，習故者，是婦女之檢柙，鄉曲之常人耳。

惡。是。以。居。斯。位。邪。勢。既。如。彼。選。又。如。此。而。欲。望。三。公。
勲。立。於。國。家。績。加。於。生。民。不。亦。遠。乎。昔。文。帝。之。於。鄧。
通。可。謂。至。愛。而。猶。展。申。屠。嘉。之。志。夫。見。任。如。此。則。何。
患。於。左。右。小。臣。哉。至。如。近。世。外。戚。宦。豎。請。託。不。行。意。
氣。不。滿。立。能。陷。人。于。不。測。之。禍。惡。可。得。彈。正。者。哉。曩。
者。任。之。重。而。責。之。輕。今。者。任。之。輕。而。責。之。重。昔。賈。誼。
感。絳。侯。之。困。辱。因。陳。大。臣。廉。耻。之。分。開。引。自。裁。之。端。
自。此。以。來。遂。以。成。俗。繼。世。之。主。生。而。見。之。習。其。所。常。
曾。莫。之。悟。嗚。呼。可。悲。夫。左。手。據。天。下。之。圖。右。手。劔。其。

喉愚者猶知難之况明哲君子哉光武奪三公之重
至今而加甚不假后黨以權數世而不行蓋親踈之
勢異也母后之黨左右之人有此至親之勢故其貴
任萬世常然之敗無世而無之莫之斯豎亦可痛矣
未若置丞相自總之若委三公則宜分任責成夫使
爲政者不當與之婚姻婚姻者不當使之爲政也如
此在位病人病人謂萬姓困敝也舉用失賢百姓不安爭訟不
息天地多變人物多妖然後可以分此罪矣或曰政
在一人權甚重也曰人實難得何重之嫌昔者霍禹

竇憲鄧騭梁冀之徒藉外戚之權管國家之柄及其
伏誅以一言之詔詰朝而決何重之畏乎今夫國家
漏神明於嬖近輪權重於婦黨笑十世而爲之者八
九焉不此之罪而彼之疑何其詭邪

東漢不任三公而亡以宦官曹魏不任宦官而亡
以大臣馭得其道蠻貊可使馭失其道骨肉可疑
豈意料所及乎

以天朝恩澤其意雖深而效驗未著此其所以然也

東漢末年三代之風尚以宣石為最不信符籙而

其後乃為一邪說之說其說曰

此後乃為一邪說之說其說曰

此後乃為一邪說之說其說曰

此後乃為一邪說之說其說曰

臧洪

字子源廣陵人年十五以功拜童子郎中平未
太守張超請爲功曹洪說超糾盟討卓不就超
復遣洪詣劉虞行途阻絕因寓袁紹紹以洪領
青州刺史又徙東郡太守

答陳琳書

時曹操圍張超洪從紹請救兵紹不
聽超咸洪怨紹絕不與通紹興兵圍
之不下使陳琳以書責之洪因答焉

隔閼想思發于寤寐相去步武而趨舍異規其爲愴
恨胡可勝言前日不遺比辱雅況述敘禍福公私切
至以子之才窮該典籍豈將聞於大道不達余趣哉
是以捐棄翰墨一無所酬亦冀遙付偏心粗識鄙性
重獲來命援引紛紜雖欲無對而義篤其言僕小人

也。本乏志用，中因行役，特蒙傾蓋恩深分厚，遂竊大州。寧樂今日自還接刃乎？每登城臨兵，觀主人之旗鼓，瞻望帳幄，感故友之周旋，撫弦擲矢，不覺涕流之覆面也。何者？自以輔佐主人，無以爲悔。主人相接，過絕等倫。受任之初，志同大事，掃清寇逆，共尊王室。豈悟本州被侵，郡將遘厄，請師見拒，辭行被拘，使洪故君遂至淪滅，區區微節，無所獲申，豈得復全交友之道，重虧忠孝之名乎？所以忍悲揮戈，收淚告絕。若使主人少垂古人忠恕之情，來者側席，去者克己，則僕

抗季扎之志。不爲今日之戰矣。昔張景明登壇唾血。
奉辭奔走。卒使韓牧讓印。主人得地。後但以拜章朝
主。賜爵。獲傳之故。不蒙觀過之貸。而受夷滅之禍。呂
奉先討卓來奔。請兵不獲。告去何罪。復見斫刺。劉子
璜奉使踰時。辭不獲命。畏君懷親。以詐求歸。可謂有
志忠孝。無損霸道。亦復僵尸麾下。不蒙虧除。慕進者
蒙榮。違意者被戮。此乃主人之利。非遊士之願也。是
以鑒戒前人。守死窮城。亦以君子之違不適敵國故
也。左傳云公山不狃曰君子違不適仇國。足下當見久違不解。救兵未

至感婚姻之義。推平生之好。以爲屈節而苟生。勝守義而傾覆也。昔晏嬰不降志於白刃。南史不曲筆以求存。故身傳圖象。名垂後世。况僕據金城之固。驅士人之力。散三年之畜。以爲一年之資。匡困補乏。以悅天下。何圖築室反耕哉。

楚子圍宋築室反耕示無還意

但懼秋風揚

塵。伯珪馬首南向。張揚飛燕。旅力作難。北鄙將告倒

懸之急。股肱奏乞歸之記耳。主人常鑒戒曹輩。反旌退師。何宜久辱盛怒。暴威於吾城之下哉。足下譏吾恃黑山以爲救。獨不念黃巾之合從邪。昔高祖取彭

越於鉅野、光武創基兆於綠林、卒能龍飛受命、中興
帝業、苟可輔主興化、夫何嫌哉、况僕親奉璽書、與之
從事、行矣孔璋、足下徼利於境外、臧洪投命於君親、
吾子托身於盟主、臧洪策名於長安、子謂余身死而
名滅、僕亦笑子生死而無聞焉、本同末離、努力努力、
夫復何言、

崔實

字子真瑗子少沈靜好典籍

政論

實明於政體吏才有餘論當世便事數十條各曰政論仲長統曰凡為人主宜寫一

通置之

坐側

自堯舜之帝湯武之王皆賴明哲之佐博物之臣故

臯陶陳謨而唐虞以興伊箕作訓而殷周用隆

伊尹作伊

訓箕子作洪範

及繼體之君欲立中興之功者曷嘗不賴賢

哲之謀乎凡天下所不理者常繇人主承平日久俗

漸敝而不悟政寢衰而不改習亂安危快不自覩

快音

他沒反快忽忘也

或荒耽嗜欲不恤萬機或耳蔽箴誨厭偽

後漢書

論

忽真

厭飫姦偽
輕忽至真

或猶豫岐路莫適所從或見信之佐

括囊守祿或疎遠之臣言以賤廢是以王綱縱弛於

上智士鬱伊於下悲夫自漢興以來三百五十餘歲

矣政令垢翫上下怠懈風俗雕敝人庶巧偽百姓囂

然咸復思中興之救矣且濟時拯世之術豈必體堯

蹈舜然後乃理哉期於補綻決壞枝柱邪傾

綻音直
莧反禮

記曰衣裳綻裂
初箴請補綴

隨形裁割要措斯世於安寧之域而

已故聖人執權遭時定制步驟之差各有云設不疆

人以不能背急切而慕所聞也

背當時之急切而慕
所聞之事則非濟時

要之蓋孔子對葉公以來遠哀公以臨人景公以節禮

非其不同所急異務也是以受命之君每輒創制中

興之主亦匡時失昔盤庚愍殷遷都易民自耿遷於亳邑周

穆有闕甫侯正刑甫侯卽呂侯爲周穆王訓暢夏禹用刑之法俗人拘文

牽古不達權制奇偉所聞簡忽所見烏可與論國家

之大事哉故言事者雖合聖德輒見倚奪何者其頑

士闇於時權安習所見不知樂成況可慮始苟云率

由舊章而已其達者或矜名妒能耻策非已舞筆奮

辭以破其義寡不勝衆遂見擯棄雖稷契復存猶將

困焉。斯賈生之所以排於絳灌，屈子之所以攄其幽憤者也。夫以文帝之明，賈生之賢，絳灌之忠，而有此患，況其餘哉？量力度德，春秋之義。左氏傳曰：息侯伐鄭，不度德，不量力。

今既不能純法八世，故宜參以霸政，則宜重賞深罰，以御之。明著法術以檢之，自非上德嚴之，則理寬之，則亂。何以明其然也？近孝宣皇帝明於君人之道，審於爲政之理，故嚴刑峻法，破姦軌之膽，海內清肅。天下密如，薦勲祖廟，享號中宗，算計見效，優於孝文。元帝卽位，多行寬政，卒以墮損，威權始奪，遂爲漢室基

之主政道得失於斯可監昔孔子作春秋褒齊桓
懿晉文歎管仲之功夫豈不美文武之道哉誠達權
救敝之理也故聖人能與世推移而俗士苦不知變
以爲結繩之約可復理亂秦之緒干戚之舞足以解
平城之圍夫熊經鳥伸雖延歷之術非傷寒之理呼
吸吐納雖度紀之道非續骨之膏蓋爲國之法有似
理身平則致養疾則攻焉夫刑罰者治亂之藥石也
德教者興平之梁肉也夫以德教除殘是以梁肉理
疾也以刑罰理平是以藥石供養也方今承百王之

敝值厄運之會、自數世以來、政多恩貸、馭委其轡、馬駘其銜、四牡橫奔、皇路險傾、方將批勒、鞅輶以救之、豈暇鳴和鑾、清節奏哉、

埤以木銜其口也、勒馬轡輶車轅鞅猶束也

昔高

祖令蕭何作九章之律、有夷三族之令、黥劓斬趾、斷舌梟首、故謂之具五刑、文帝雖除肉刑、當劓者笞三百、當斬左趾者笞五百、當斬右趾者棄市、右趾者旣殞其命、笞撻者往往至死、雖有輕刑之名、其實殺也、當此之時、民皆思復肉刑、至景帝元年、乃下詔曰、加笞與重罪無異、幸而不死、不可爲民、乃定律減笞輕

極自是之後。答者得全。以此言之。文帝乃重刑。非輕之也。以嚴致平。非以寬致平也。必欲行若言。當大定其本。使人主師五帝而式三王。盪亡秦之俗。遵先聖之風。棄荀全之政。蹈稽古之蹤。復五等之爵。立井田之制。然後選稷契爲佐。伊呂爲輔。樂作而鳳皇儀。擊石而百獸舞。若不然。則多爲累而已。

崇務嚴急亦救時之偏也

荀悅

字仲豫儉之子家貧無書每之人間所見篇牘一覽多能論記

申鑒

悅遷侍中時改移曹氏志在獻替而諫無所用乃作申鑒五篇其所論辯通見政體

夫道之本仁義而已矣五典以經之羣籍以緯之詠之歌之弦之舞之前監旣明後復申之故古之聖王其於仁義也申重而已致政之術先屏四患乃崇五政一曰僞二曰私三曰放四曰奢僞亂俗私壞法放越軌奢敗制四者不除則政末由行矣夫俗亂則道荒雖天地不得保其性矣法壞則世傾雖人主不得守其度矣軌越則禮亾雖聖人不得全其道矣制敗

則欲肆、雖四表不得充其求矣。是謂四患。興農桑以養其性、審好惡以正其俗、宣文教以章其化、立武備以秉其威、明賞罰以統其法。是謂五政。人不畏死、不可懼以罪人、不樂生、不可勸以善。雖使契布五教、皐陶作士、政不行焉。故在上者先豐人財、以定其志。帝耕籍田、后桑蠶宮。國無遊人、野無荒業。財不賈用。言自足力不妄加。以周人事。是謂養生。君子之所以動天地、應神明、正萬物而成王化者、必乎真定而已。故在上者審定好醜焉。善惡要乎功罪。毀譽効於準驗。聽

言責事舉名察實無惑詐僞以蕩衆心故事無不覈
物無不切善無不顯惡無不章俗無姦怪民無滯風
百姓上下覩利害之存乎已也故肅恭其心慎修其
行內不回惑外無異望則民志平矣是謂正俗君子
以情用小人以刑用榮辱者賞罰之精華也故禮教
榮辱以加君子化其情也桎梏鞭撻以加小人化其
形也君子不犯辱況於刑乎小人不忌刑況於辱乎
若教化之廢推中人而墜於小人之域教化之行引
中人而納於君子之塗是謂章化小人之情緩則驕

霸則恣恣則怨怨則叛危則謀亂安則思欲非威強
無以懲之故在上者必有武備以戒不虞以遏寇虐
安居則寄之內政有事則用之軍旅是謂秉威賞罰
政之柄也明賞必罰審信慎令賞以勸善罰以懲惡
人主不妄賞非徒愛其財也賞妄行則善不勸矣不
妄罰非矜其人也罰妄行則惡不懲矣賞不勸謂之
止善罰不懲謂之縱惡在上者能不止下爲善不縱
下爲惡則國法立矣是謂統法四患旣蠲五政又立
行之以誠守之以固簡而不怠疎而不失無爲爲之

使自施之、無事事之、使自交之、不肅而成、不嚴而化、垂拱揖讓而海內平矣、是謂爲政之方、又言尚主之制、非古也、釐降二女、陶唐之典、歸妹元吉、帝乙之訓、王姬歸齊、宗周之禮、以陰乘陽、違天以婦陵夫、違人違天、不祥、違人不義、又古者天子諸侯、有事必告于廟、朝有二史、左史記言、右史書事、事爲春秋、言爲尚書、君舉必記、善惡成敗、無不存焉、下及士庶、苟有茂異、咸在載籍、或欲顯而不得、或欲隱而名章、得失一朝而榮辱千載、善人勸焉、淫人懼焉、宜於今者、備置

史官掌其典文紀其行事每於歲盡舉之尚書以助
賞罰以弘法教

權勢已去言亦何補然志在匡君爲於不可爲之
義也或視此爲媿已

延篤

字叔堅南陽人能著文章有名京師

仁孝論

篤以病免歸家教授家卷時人或疑仁孝前後之證篤乃論之

論之曰觀夫仁孝之辯紛然異端互引與文代取事
據可謂篤論矣夫人二致同源總率百行非復銖兩
輕重必定前後之數也而如欲分其大較體而名之
則孝在事親仁施品物施物則功濟於時事親則德
歸於已於已則事寡濟時則功多推此以言仁則遠
矣然物有出微而著事有由隱而章近取諸身則耳
有聽受之用目有察見之明足有致遠之勞手有節

衛之功。功雖顯外。本之者心也。遠取諸物。則草木之
生。始於萌芽。終於彌蔓。枝葉扶疏。榮華紛縟。末雖繁
蔚。致有者根也。夫仁人之有孝。猶四肢之有心腹。枝
葉之有根本也。聖人知之。故曰。夫孝。天之經也。地之
義也。人之行也。君子務本。本立而道生。孝弟也者。其
爲仁之本與。然體大難備。物性好偏。故所施不同。事
少兩兼者也。如必對其優劣。則仁以枝葉扶疏爲大。
孝以心體本根爲先。可無訟也。或謂先孝後仁。非仲
尼序回參之意。蓋以爲仁孝同質而生。純體之者則

互以爲稱、虞舜顏回是也、若偏而體之、則各有其目、
公劉曾參是也、夫曾閔以孝悌爲至德、管仲以九合
爲仁功、未有論德不先回參、考功不大夷吾、以此而
言、各從其稱者也、

是君子務本言註疏

班固

字孟堅。彪子。九歲能屬文。誦詩賦。及長。遂博貫載籍。為漢書百篇。二十餘年始成大將軍。憲以

固為中獲軍。竇憲固死獄中。

典引

固作典引篇。述敘漢德。蓋自謂得其致焉。

辭曰。太極之原。兩儀始分。烟烟熅熅。有沉而與。有浮而清。沉浮交錯。庶類混成。肇命人主。五德初始。同乎草昧。玄混之中。踰繩越契。寂寥而亡。詔者。系不得而綴也。厥有氏號。紹天闡繹者。莫不開元於大昊。皇初之首。上哉。憂乎其書。猶可得而修也。
帝出於震。始以木德王天下。故

日皇初之首

亞斯之世。變通神化。函光而未曜。若夫上稽

乾則降成龍翼而炳諸典謨以冠德卓蹤者莫崇乎
陶唐陶唐舍胤而禪有虞虞亦命夏后稷契熙載越
成湯武股肱既周天乃歸功元首將授漢劉俾其成
三季之荒末值亢龍之災孽懸象暗而恒文垂彛倫
敦而舊章缺故先命玄聖使綴學立制宏亮洪業表
相祖宗贊揚廸哲備哉燦爛真神明之式也

孔子每
徵在夢

感黑帝而上
故曰玄聖

雖前聖臯夔衡旦密勿之輔比茲編矣

是以高光二聖辰居其域時至氣動乃龍見淵躍拊
翼而未舉則威靈紛紜海內雲蒸雷動電燦胡繼莽

分不。菴其誅。

縊謂胡亥縊死也。莽分謂公賓就新莽也。言天下先為漢誅之高祖光武不

也。然後欽若上下。恭揖群后。正位度宗。有于德不台。

淵穆之讓。靡號師矢敦奮焉之容。

易曰君子正位凝命也。尚書曰延入

翼室恤度宗度居也。宗尊也。台讀曰嗣。靡無也。矢陳也。敦猶迫逼也。詩云矢於牧野。又曰敷敦淮濱。書曰

王秉自旄以。益以膺當天之正統。受克讓之歸運。蓄

炎上之烈精。蘊孔佐之弘陳。云爾。

孔佐謂孔丘制作春秋及緯書以佐

漢也。洋洋乎若德。帝者之上儀。詰誓所不及已。鋪觀二

代洪纖之度。其蹟可採也。

二代殷周蹟幽深也

並開述於一匱。

同受侯甸之所服。夾世勤民。以伯方統牧。乘其命賜。

形弧黃戚之威。用討韋顧黎崇之不格。殷頌曰韋顧

國名書曰西伯既戡黎至于三五華夏。京遷鎬亳。遂自北面虎

離其師。革滅天邑。史記曰如虎如罷如豺如離于商如離與螭同革改也尚書曰肆予

敢求爾于天邑商是故義士偉而不敦。武稱未盡。護有慙德。

不其然與。然猶於穆荷那。翕純敷繹。以崇嚴祖考。殷

薦宗祀。配帝發祥。流慶割越天地者。烏爽乎千載。豈

不克自神明哉。誕畧有常。審言行於篇籍。光藻朗而

不渝爾。誕大也言殷周二代政化之迹大畧有常也篇籍謂詩書也朗明也渝變也言光彩文藻

朗明而不變耳矧夫赫赫聖漢。巍巍唐基。泝測其源。乃先孕

虞育夏甄殷陶周然後宣二祖之重光襲四宗之繼

熙神靈日燭光破六幽仁風翔乎海表威靈行於鬼

區。歷亡迥而不泯。微胡瑣而不順。二祖高祖世祖四宗文帝爲太宗武

帝爲代宗宣帝爲中宗明帝爲顯宗順養也故夫顯定三才昭登之績匪

堯不興。鋪聞遺策在下之訓匪漢不弘。尚書曰昭厥

道。至乎經緯乾坤。出入三光。外運混元。內浸豪芒。性

類循理。品物咸亨。其已久矣。盛哉皇家帝世。德臣列

辟。功君百王。榮鏡宇宙。尊無與抗。列辟謂古之帝王也乃始虔

輦勞謙。兢兢業業。貶成抑定。不敢論制作。虔輦固也言帝固爲

也

至今遷正黜色賓監之事。煥揚宇內。而禮官儒

林屯朋黨論之士。而不傳祖宗之彷彿。雖云優慎。無

乃慈歟

遷正改正朔也。黜色易服色也。賓謂殷周二王之後。謂漢之賓監視也。視殷周之事以爲

監戒屯衆也。朋群也。

於是三事獄牧之僚。僉爾而進曰。陛下仰

監唐典。中述祖則。俯蹈宗軌。躬奉天經。惇睦辯章之

化洽。

辯別也。

巡靖黎蒸。懷保鰥寡之惠。浹燔瘞縣沉。肅

祇群神之禮備。是以鳳凰來儀。集羽族以觀魏。肉角

馴毛宗於外囿。擾緇文皓質於郊。升黃暉采鱗於沼。

甘露霄零於豐草。三足軒翥於茂樹。

肉角謂麟也。緇文皓質謂騶虞。

也黃暉采麟謂黃龍也
河南三足鳥集沛國

若乃嘉穀靈草奇獸神禽

圖合謀窮祥極瑞者朝夕垌牧日月邦畿卓犖乎方
州羨溢乎要荒昔姬有素雉朱鳥玄柜黃鑒之事耳
君臣動色左右相趨濟濟翼翼峨峨如也益用昭明
寅畏承聿懷之福亦以寵靈文武貽燕後昆覆以懿
鑠豈其爲身而有顓辭也若然受之宜亦勤恁旅力
以克勵道啓恭館之金滕御東序之秘寶以流其占
也 念 夫圖書亮章天哲也孔猷先命聖乎也體行德
本正性也逢吉丁辰景命也順命以創制定性以和

神。答三靈之繁祉。展放唐之明文。茲事體大而允寤。

寐次于聖心。瞻前顧後。豈蔑清廟。憚勅天乎。

蔑輕也。憚難也。

勅正也。言封禪之事皆述祖宗之德。

伊考自邃古。乃

今乃推讓。豈輕清廟而難正天命乎。

降戾爰茲。作者七十有四人。有不俾而假素罔光度。

而遺章。今其如台而獨闕也。

台我

是時聖上固已垂

精游神。包舉藝文。屢訪群儒。諭咨故老。與之乎斟酌。

道德之淵源。肴覈仁義之林藪。以望元符之臻焉。既

成群后之讜辭。又悉經五繇之碩慮矣。將緝萬嗣。煬

洪暉。奮炎景。扇遺風。播芳烈。久而愈新。用而不竭。汪

汪乎丕天之大律其疇能亘之哉唐哉皇哉皇哉唐

哉

紉續也汪汪猶深也唐哉謂堯也皇哉謂漢也言唯唐與漢唯漢與唐

固以相如封禪爲靡秀麗之色政恐不及爾

曹世叔妻

扶風班彪之女名昭博學高才世叔早卒有節行法度兄固著漢書其八表及天文

志未及竟而卒和帝詔昭

就東觀藏書閣踵成之

女誠

昭作女誠七篇有助內訓

辭曰鄙人愚暗受性不敏蒙先君之餘寵賴母師之典訓年十有四執箕箒於曹氏於今四十餘載矣戰兢兢常懼黜辱以增父母之羞以益中外之累夙夜劬心勤不告勞而今而後乃知免耳吾性疏頑教導無素恒恐子穀負辱清朝曹成壽之子子穀卽成之字也聖恩橫加猥賜金紫實非鄙人庶幾所望也男能自謀矣吾

不復以爲憂也。但傷諸女。方當適人而不漸訓誨。不聞婦禮。懼失容它門。取耻宗族。吾今疾在沉滯。性命無常。念汝曹如此。每用惆悵。間作女誡七章。願諸女各寫一通。庶有補益。裨助汝身去矣。其勗勉之。卑弱第一。古者生女三日。臥之牀下。弄之瓦磚。而齋告焉。臥之牀下。明其卑弱。主人下也。弄之瓦磚。明其習勞。主執勤也。齋告先君。明當主繼祭祀也。三者蓋女人之常道。禮法之典教矣。謙讓恭敬。先人後已。有善莫名。有惡莫辭。忍辱舍垢。常若畏懼。是謂卑弱下人也。

晚寢早作。勿憚夙夜。執務私事。不辭劇易。所作必成。
手跡整理。是謂執勤也。正色端操。以事夫主。清靜自
守。無好戲笑。潔齊酒食。以供祖宗。是謂繼祭祀也。三
者苟備。而患名稱之不聞。黜辱之在身。未之見也。三
者苟失之。何名稱之可聞。黜辱之可遠哉。夫婦第二。
夫婦之道。參配陰陽。通達神明。信天地之弘義。人倫
之大節也。是以禮貴男女之際。詩著關雎之義。由斯
言之。不可不重也。夫不賢。則無以御婦。婦不賢。則無
以事夫。夫不御婦。則威儀廢缺。婦不事夫。則義理墮

闕方斯二事其用一也。察今之君子徒知妻婦之不可不御威儀之不可不整故訓其男檢以書傳殊不知夫主之不可不事義禮之不可不存也。但教男而不教女不亦蔽於彼此之數乎。禮八歲始教之書十五而至於學矣。獨不可依此以爲則哉。敬慎第三陰陽殊性男女異行陽以剛爲德陰以柔爲用男以強爲貴女以弱爲美故鄙諺有云生男如狼猶恐其虺生女如鼠猶恐其虎然則修身莫若敬避強莫若順。故曰敬順之道婦之大禮也。夫敬非它特久之謂也。

大順非它。寬裕之謂也。特久者。知止足也。寬裕者。尚
恭下也。夫婦之好。終身不離。房室周旋。遂生媾。媾
黷。既生。語言過矣。語言既過。縱恣必作。縱恣既作。則
侮夫之心生矣。此由於不知止足者也。夫事有曲直。
言有是非。直者不能不爭。曲者不能不訟。訟爭既施。
則有忿怒之事矣。此由於不尚恭下者也。侮夫不節。
譴呵從之。忿怒不止。楚撻從之。夫爲夫婦者。義以和。
親。恩以好。合。楚撻既行。何義之存。呵譴既宣。何恩之
有。恩義俱廢。夫婦離矣。婦行第四。女有四行。一曰婦。

德二曰婦言。三曰婦容。四曰婦功。夫云婦德不必才。明絕異也。婦言不必辯口利辭也。婦容不必顏色美麗也。婦功不必工巧過人也。清閑貞靜。守節整齊。行已有恥。動靜有法。是謂婦德。擇辭而說。不道惡語。時然後言。不厭於人。是謂婦言。盥浣塵穢。服飾鮮潔。沐浴以時。身不垢辱。是謂婦容。專心紡績。不好戲笑。潔齊酒食。以奉賓客。是謂婦功。此四者女人之大德而不可乏之者也。然爲之甚易。唯在存心耳。古人有言。仁遠乎哉。我欲仁而仁斯至矣。此之謂也。專心第五。

禮。夫有再娶之義。婦無二適之文。故曰。夫者天也。天固不可逃。夫固不可離也。行違神祇。天則罰之。禮義有愆。夫則薄之。故女憲曰。得意一人。是謂永畢。失意一人。是謂永訖。由斯言之。夫不可不求其心。然所求者。亦非謂佞媚苟親也。固莫若專心正色。禮義居絜。耳無塗聽。目無邪視。出無冶容。入無廢飾。無聚會群輩。無看視門戶。此則謂專心正色矣。若夫動靜輕脫。視聽陟輪。入則亂髮壞形。出則窈窕作態。說所不當道。觀所不當視。此謂不能專心正色矣。曲從第六夫。

得意一人是謂永畢失意一人是謂永訖欲人定志
專心之言也舅姑之心豈當可失哉物有以恩自離
者亦有以義自破者也夫雖云愛舅姑云非此所謂
以義自破者也然則舅姑之心奈何固莫尚於曲從
矣姑云不爾而是固宜從令姑云爾而非猶宜順命
勿得違戾是非爭分曲直此則所謂曲從矣故女憲
曰婦如影響焉不可賞和叔妹第七婦人之得意於
夫主由舅姑之愛已也舅姑之愛已由叔妹之譽已
也由此言之我臧否譽毀一由叔妹叔妹之心復不

可失也。皆莫知叔妹之不可失而不能和之以求親其蔽也哉。自非聖人鮮能無過。故顏子貴於能改。仲尼嘉其不貳。而况婦人者也。雖以賢女之行聰哲之性其能備乎。是故室人和則謗掩外內離則惡揚。此必然之勢也。易曰二人同心其利斷金同心之言其臭如蘭。此之謂也。夫嫂妹者體敵而尊恩疏而義親若淑媛謙順之人則能依義以篤好崇恩以結援使徽美顯章而瑕過隱塞舅姑矜善而夫主嘉美聲譽曜于邑鄰休光延於父母若夫蠢愚之人於嫂則託

名以自高。於妹則因寵以驕。盈驕盈。既施何和之有。思義既乖。何譽之臻。是以美隱而過宣。姑忿而夫慍。毀訾布於中外。耻辱集於厥身。進增父母之羞。退益君子之累。斯乃榮辱之本。而顯否之基也。可不慎哉。然則求叔妹之心。固莫尚於謙順矣。謙則德之柄。順則婦之行。凡斯二者。足以和矣。詩云。在彼無惡。在此無射。其斯之謂也。

秀麗清折有過孟堅孟堅之文恒苦板重

後漢書

顧在觀觀生

錢塘吳思穆靜腑

雲間

許清胤介夫輯評

顧之萃宗之叅訂

勾章陳

裕廣生

陳

祐天生

光武受命祥符論

論曰皇考南頓君初爲濟陽令以建平元年十二月
甲子夜生光武於縣舍有赤光照室中欽異焉使十
者王長占之長辟左右曰此兆吉不可言是歲縣界
有嘉禾生一莖九穗因名光武曰秀明年方士有夏

賀良者上言哀帝云漢家歷運中衰當再受命於是改號爲太初元年稱陳聖劉太平皇帝以厭勝之及王莽篡位忌惡劉氏以錢文有金刀故改爲貨泉或以貨泉字文爲白水真人後望氣者蘇伯阿爲王莽使至南陽遙望見春陵郭喈曰氣佳哉鬱鬱葱葱然及始起兵還春陵遠望舍南火光赫然屬天有頃不見初道士西門君惠李守等亦云劉秀當爲天子其王者受命信有符乎不然何以乘時龍而御天哉此論轉折起伏秀氣干霄玩之不忍釋手

後漢書序

孝行傳序

孔子曰夫孝莫大於嚴父嚴父莫大於配天則周公
其人也子路曰傷哉貧也生無以養死無以葬子曰
啜菽飲水孝也夫鐘鼓非樂云之本而噐不可去三
牲非致孝之主而養不可廢存噐而亡本樂之遁也
調噐以和聲樂之成也崇養以傷行孝之累也修已
以致祿養之大也故言能大養則周公之祀致四海
之祭言以義養則仲由之菽甘於東鄰之牲夫患水

菽之薄。干祿以求養者。是以耻祿親也。存誠以盡行。孝積而祿厚者。此能以義養也。中興廬江毛義少節。家貧。以孝行稱。南陽人張奉慕其名。往候之。坐定而府檄適至。以義守令。義奉檄而入。喜動顏色。奉者志尚士也。心賤之。自恨來。固辭而去。及義母死去。官行服。數辟公府。爲縣令。進退必以禮。後舉賢良。公車徵。遂不至。張奉歎曰。賢者固不可測。往日之喜。乃爲親屈也。斯蓋所謂家貧親老。不擇官而仕者也。建初中。章帝下詔。褒寵義。賜穀千斛。常以八月長史問起居。

加賜羊酒、壽終於家。安帝時，汝南薛包，孟嘗好學，篤行，喪母，以至孝聞。及父娶後妻，而憎包，分出之。包日夜號泣，不能去，至被毆杖，不得已，廬於舍外。旦入而洒掃，父怒，又逐之。乃廬於里門，晡晨不廢，積歲餘。父母慙而還之。後行六年服，喪過乎哀。旣而弟子求分財異居，包不能止，乃中分其財。奴婢引其老者，曰：「與我共事久，若不能使也。」田廬取其荒頓者，曰：「吾少時所理，意所戀也。」器物取朽敗者，曰：「我素所服食，身口所安也。」弟子數破其產，輒復賑給。建光中，公車特徵。

至拜侍中。包性恬虛。稱疾不起。以死自乞。有詔賜告歸。加禮如毛義。年八十餘。以壽終。若二子者。推至誠以爲行。行信於心。而感於人。以成名。受祿致禮。斯可謂能以孝養也。若夫江革。劉般。數公者。之義行猶斯志也。撰其行事著於篇。

以孝爲行。以行爲養。古之取士。首於孝也。今乃以文。何怪其成名。受祿。視親不朝。起業者。

後漢書序

儒林傳序

昔王莽更始之際，天下散亂，禮樂分崩，典文殘落，及光武中興，愛好經術，未及下車，而先訪儒雅，採求闕文，補綴漏逸，先是四方學士，多懷挾圖書，遁逃林藪，自是莫不抱負墳策，雲會京師，范升、陳元、鄭興、杜林、衛宏、劉昆、桓榮之徒，繼踵而集，於是立五經博士，各以家法教授，易有施、孟、梁丘，京氏尚書，歐陽、大小夏侯，詩、齊、魯、韓、毛，禮、大小戴，春秋、嚴、顏，凡十四博士，太

常差次總領焉。建武五年。乃修起太學。稽式古典。籩豆干戚之容。備之於列。服方領。習矩步者。委宅乎其。中。中元元年。初建三雍。明帝卽位。親行其禮。天子始冠通天衣。日月備法物之駕。盛清道之儀。坐明堂而朝群后。登靈臺以望雲物。袒割辟雍之上。尊養三老五更。饗射禮畢。帝正坐自講。諸儒執經問難於前。冠帶縉紳之人。圜橋門而觀聽者。蓋億萬計。其後復爲功臣子孫。四姓末屬。別立校舍。搜選高能以受其業。自期門羽林之士。悉令通孝經章句。匈奴亦遣子入

學濟濟乎洋洋乎盛於永平矣建初中大會諸儒於
白虎觀考詳同異連月乃罷肅宗親臨稱制如石渠
故事顧命史臣著爲通義又詔高才生受古文尚書
毛詩穀梁左氏春秋雖不立學宮然皆擢高第爲講
郎給事近署所以網羅遺逸博存衆家孝和亦數幸
東觀覽閱書林及鄧后稱制學者頗懈時樊準徐防
並陳敦學之宜又言儒職多非其人於是制詔公卿
妙簡其選三署郎能通經術者皆得察舉自安帝覽
政薄於藝文博士倚席不講朋徒相視怠散學舍頽

敵鞠爲園蔬牧兒莠豎至於薪刈其下順帝感翟酺之言乃更修黌宇凡所造構二百四十房千八百五十室試明經下第補弟子增甲乙之科員各十人除郡國耆儒皆補郎舍人太初元年梁太后詔曰太將軍下至六百石悉遣子就學每歲輒於鄉射月一饗會之以此爲常

漢官儀曰春三月秋九月習鄉射禮

自是遊學增盛至

三萬餘生然章句漸疎而多以浮華相尚儒者之風益衰矣黨人旣誅其高名善士多坐流廢後遂至忿爭更相言告亦有私行金貨定蘭臺來書經字以合

其私文熹平四年靈帝乃詔諸儒正定五經刊於石
碑爲古文篆隸三體書法以相參檢樹之學門使天
下咸取則焉初光武遷還洛陽其經牒祕書載之二
千餘兩自此以後參倍於前及董卓移都之際吏民
擾亂自辟雍東觀蘭臺石室宣明鴻都諸藏典策文
章競共剖散其縑帛圖書大則連爲帷蓋小乃制爲
滕囊及王允所收而西者裁七十餘乘道路艱遠復
棄其半矣後長安之亂一時焚蕩莫不泯盡焉東京
學者猥衆難以詳載今但錄其能通經名家者以爲

儒林篇其自有列傳者則不兼書若師資所承宜標
名爲證者乃著之云

女主亂朝不忘經典東漢之學於是爲盛說者謂
高祖溺冠罵士王莽之篡遂無仗節死義之臣光
武興起學校黨錮之禍多殺身成仁之士理或然
乎

徐氏書序

逸氏傳序

易稱遯之時義大矣哉。又曰。不事王侯。高尚其事。是以堯稱則天。不屈。賴陽之高。武盡美矣。終全孤竹之潔。自茲以降。風流彌繁。長往之軌未殊。而感致之數匪一。或隱居以求其志。或曲避以全其道。或靜已以鎮其躁。或去危以圖其安。或垢俗以動其槩。或藏物以激其清。然觀其甘心吠畝之中。憔悴江海之上。豈必親魚鳥。樂林草哉。亦云性分所至而已。故蒙恥之

賓屢黜不去其國蹈海之節千乘莫移其情適使矯
易去就則不能相爲矣彼雖硜硜有類沽名者然而
蟬蛻囂埃之中自致寰區之外異夫飾智巧以逐浮
利者乎荀卿有言曰志意修則驕富貴道義重則輕
王公也漢室中微王莽篡位士之蘊藉義憤甚矣是
時裂冠毀冕相攜持而去之者蓋不可勝數楊雄曰
鴻飛冥冥弋者何篡焉言其違患之遠也篡取也光武
側席幽人求之若不及旌帛蒲車之所徵責相望於
巖中矣若薛方逢萌聘而不肯代巖光周黨王霸至

而不能屈羣方咸遂志士懷仁斯固所謂舉逸民天下歸心者乎肅宗亦禮鄭均而徵高鳳以成其節自後帝德稍衰邪孽當朝處子耿介羞與卿相等列至乃抗憤而不顧多失其中行焉蓋錄其絕塵不反同夫作者列之此篇

Blank columns with vertical lines, likely for text or a diagram.



Blank columns with vertical lines, likely for text or a diagram.

後漢書論

和帝紀論

論曰自中興以後逮於永元雖頗有弛張而俱存不
擾是以齊民歲增闢土世廣偏師出塞則漠北地空
京護西指則通譯四萬班超定西域五十餘國皆降
服西至海類四萬里皆重譯
貢豈其道路三代術長前世將服叛去來自有數也
獻

諷言自是正理



後漢書論

順帝紀論

順帝安帝太子王聖日京等構陷廢
為濟陰王安帝崩北鄉侯立薨中黃
門孫程等十九人共斬江京
迎王於德陽殿西鍾下卽位

論曰古之人君離幽難而反國祚者有矣莫不矯鑒
前違審識情偽無忘在外之憂故能中興其業觀夫
順朝之政殆不然乎何其倣僻之多與

此所謂下愚不移者也

上如船中讀書也

賜書太子不勝其哀且悲之至

下如船中讀書也

上如船中讀書也

賜書太子不勝其哀且悲之至

下如船中讀書也

上如船中讀書也

後漢書論

皇后紀論

夏殷以上。后妃之制。其文畧矣。周禮王者立后。三夫人。九嬪。二十七世婦。八十一女御。以備內職焉。后正位宮闈。同體天王。夫人坐論婦禮。九嬪掌教四德。世婦主喪祭賓客。女御序于王之燕寢。頒官分務。各有典司。女史彤管。記功書過。居有保阿之訓。動有環佩之響。進賢才以輔佐君子。哀窈窕而不淫其色。所以能述宣陰化。修成內則。閨房肅雍。險謁不行也。故康

王晚朝關雎作諷

后夫人鷄鳴佩玉去君所周康王后不然故詩人嘆而傷之

宣

后晏起姜氏請愆及周室東遷禮序凋缺諸侯僭縱

軌制無章齊桓有如夫人者六人晉獻升戎女爲元

妃終於五子作亂豕嗣遘害爰逮戰國風憲愈薄適

情任欲顛倒衣裳以至破國亡身不可勝數斯固輕

禮弛防先色後德者也秦并天下多自驕大官備七

國始皇破六國寫放其宮室作之咸陽北坂上所得諸侯美人以充人之

爵列八品

正嫡

稱皇后妾皆稱夫人美人良人八子七子長使少使之號

漢興因循其號而婦制

莫釐高祖帷薄不脩孝文衽席無辨然而選納尚簡

飾翫少華。自武元之後。世增淫費。至乃掖庭三千。增

級十四。

婕妤一。嬪娥二。容華三。充衣四。昭儀五。美人六。良人七。七子八。八子九。長使十。少使十一。

五官十二。順常十三。舞洵共和。娛靈保休良。娣使夜者十四。

妖幸毀政之符。外姻

亂邦之迹。前史載之詳矣。及光武中興。斲彫爲朴。六

宮稱號。唯皇后貴人。貴人金印紫綬。奉不過粟數十

斛。又置美人。宮人。采女三等。並無爵秩。歲時賞賜充

給而已。漢法常因八月。美人遣中大夫。與掖庭丞及

相工於洛陽鄉中。閱視良家童女。年十三以上。二十

以下。姿色端麗。合法相者。載還後宮。擇視可否。乃用

登御。所以明慎聘納。詳求淑哲。明帝聿遵先旨。宮教
頗修。登建嬪后。必先令德。內無出閫之言。權無私溺
之授。可謂矯其敝矣。向使因設外戚之禁。編著甲令。
改正妃后之制。貽厥方來。豈不休哉。雖御已有度。而
防閑未篤。故孝章以下。漸用色授。恩隆好合。遂忘溜
蠹。溜黑也。蠹食木蟲。自古雖主幼時艱。王家多釁。必委成冢

宰。簡求忠賢。未有專任婦人。斷割重器。唯秦苻太后
始攝政事。故穰侯權重於昭王。家富於嬴國。昭王立
少宣
太后自知事以同母弟魏冉為將軍任政。封為穰侯。漢仍其謬。知患莫改。東京

皇統屢絕。權歸女主。外立者四帝。

安質桓靈

臨朝者六后。

章帝竇太后和熹鄧太后安思閭太后順烈梁太后桓思竇太后靈思何太后也

莫不定策

帷帟。委事父兄。貪孩童以久其政。抑明賢以專其威。

任重道悠。利深禍速。身犯霧露於雲臺之上。

靈帝時中常侍

曹節矯詔遷太后於雲臺

家嬰縲紲於圜犴之下。湮滅連踵。傾軛

繼路。而赴蹈不息。焦爛爲期。終於陵夷大運。淪亡神

寶。詩書所嘆。略同一揆。故考列行跡。以爲皇后本紀。

雖成敗事異。而同居正號者。並列十篇。其以私恩追

尊。非當時所奉者。則隨他事附出。親屬別事。各依列

傳其餘無所見則係之此紀以續西京外戚云爾
西漢亡於外戚東漢亡於宦官然宦官專橫由母
后臨朝不得與士人楚楚共對然後宦官得以中
恣也此論痛深矣

後漢書論

郭皇后紀論

諱聖通真定人更始二年光武擊王郎至真定因納后生皇子彊建武二年立爲皇后寵衰怨懟十七年廢

論曰物之興衰情之起伏理有固然矣而崇替去來之甚者必唯寵惑乎當其接牀第承恩色雖陰情贅行莫不德焉

莊子曰附贅懸肬言醜惡也

及至移意愛析燕私雖

惠心妍狀愈獻醜焉愛升則天下不足容其高歡隊故九服無所逃其命斯誠志士之所沉溺君人之所抑揚未或違之者也郭后以衰離見貶恚怨成尤而

猶恩加別館、增寵黨戚、至乎東海逡巡、去就以禮、使
後世不見隆薄進退之隙、不亦光于古乎、

愛至贅者見德意移妍者獻醜甚乎好惡之情非
美惡所制已

後漢書論

隗囂傳論

囂字季孟天水成紀人更始立季父
崔舉事推囂爲上將軍更始徵囂以
爲右將軍亡歸
天水名震四川

論曰、隗囂援旗糾族、假制明神、迹夫創圖首事、有以
識其風矣、終于孤立一隅、介于大國、隴坻雖隘、非有
百二之勢、區區兩郡、以禦堂堂之鋒、至使窮廟策竭
征徭、身歿衆解、然後定之、則知其道有足懷者、所以
棲有四方之桀、士至投死絕亢而不悔者矣、夫功全
則譽顯、業謝則釁生、回成喪而爲其議者、或未聞焉、

若囂命會符運敵非天力雖坐論西伯豈多嗤乎
假託劉氏臣事更始非夫崛起不撓帝制自爲者
也得非以其傾身下士非修飾邊幅比乎

後漢書論

鄧禹傳論

禹字仲華南陽新野人光武安集河北杖策追及光武拜爲前將軍遣西入關乘勝獨克赤眉復入長安遂爲所敗

論曰夫變通之世君臣相擇斯最作事謀始之幾也鄧公羸糧徒步觸紛亂而赴光武可謂識所從會矣於是中分麾下之軍以臨山西之隙至使關河響動懷赴如歸功雖不遂而道亦弘矣及其威損榆邑兵散宜陽褫龍章於終朝就侯服以卒歲榮悴交而下無二色進退用而上無猜情使君臣之美後世莫闕

後漢書論

鄧騭傳論

騭女弟爲皇后定策立安帝太后崩
宮人受罰者誣告騭弟惺先謀立平
原王騭與子
鳳不食而死

論曰漢世外戚自東西京十有餘族非徒豪橫盈極

自取災故必於貽釁後主以至顛敗者其數有可言

焉何則恩非已結而權已先之言外戚之家承隆寵於先帝不結恩于後

主故權勢先情疏禮重而枉性圖之圖謀也其人既居權要禮數不

可不重故後主枉其本性與來寵方授地既害之後來

之圖謀政事非心所好也寵者方欲授之要職而先代權臣隙開執謝讒亦勝

見居其地必須除舊方得授新

之。君臣有隙。上下離心。則權寵之人。形勢漸謝。於是讒人構會。

悲哉。鴈悝。兄弟委

遠。時柄。忠勞王室。而終莫之免。斯樂生所以泣而燕也。

動遵法度。檢束宗族。如鄧氏猶爲有患。權勢豈不可懼。

後漢書論

吳漢傳論

漢字子顏南陽人
爲人質厚少文

論曰吳漢自建武世常居上公之位終始倚愛之親
諒由質簡而彊力也子曰剛毅木訥近仁斯豈漢之
方乎昔陳平智有餘以見疑周勃質朴忠而見信夫
仁義不足以相懷則智者以有餘爲疑而朴者以不
足取信矣

外若騃戇中實狡黠姦乃可慮涉事風發政患其
用足窮耳

用弘雅

世有起廢中實外興義心可觀也

列傳

一書承以以所遺懷管亦以正其

式乎昔朝平曾亦給以具致

請因發而感衣也予曰固是本

全曰是美自與左里亦公之

吳興

吳興人

吳興書

後漢書論

邳彤傳論

彤字偉君信都人世祖從前還失軍議者多言可還常安彤對非計世祖善其言

而止

論曰凡言成事者以功著易顯謀幾初者以理隱難昭斯固原情比迹所宜推察者也若乃議者欲同二郡之衆建入關之策委成一臨不測而世主未悟謀夫景同邳彤之庭割其爲幾乎語曰一言可以興邦斯近之矣

高帝榮陽世祖河北得失天下大機只爭一着

...

...

...

...

...

...

...

...

...

後漢書論

中興二十八將論

論曰、中興二十八將、前世以爲上應二十八宿、未之
詳也、然咸能感會風雲、奮其智勇、稱爲佐命、亦各志
能之士也、議者多非光武不以功臣任職、至使英姿
茂績、委而勿用、然原夫深圖遠算、固將有以焉、爾若
乃王道旣衰、降及霸德、猶能授受惟庸、勲賢皆序、如
管隰之迭升桓世、先之同列文朝、可謂兼通矣、管仲隰朋
先軫降自秦漢、世資戰力、至於翼扶王運、皆武人屈

起亦有鬻繒屠狗輕猾之徒、或崇以連城之賞、或任以阿衡之地、故執疑則隙生、力侔則亂起、蕭樊且猶縲繼、信越終見菹戮、不其然乎、自茲以降、迄于孝武宰輔、五世莫非公侯、遂使縉紳道塞、賢能蔽塞、朝有世及之私、下多抱關之怨、其懷道無聞、委身草莽者、亦何可勝言、故光武鑒前事之違、存矯枉之志、雖寇鄧之高勳、耿賈之鴻烈、分土不過大縣數四、所加特進朝請而已、觀其治平臨政、課職責咎、將所謂導之以政、齊之以刑者乎、若格之功臣、其傷已甚、

若以上法繩正

功臣則何者直繩則虧喪恩舊橈情則違廢禁典選

德則功不必厚舉勞則人或未賢參任則群心難塞

並列則其敝未遠不得不校其勝否卽以事相權故

高秩厚禮允荅元功峻文深憲責成吏職建武之世

侯者百餘若夫數公者則與參國議分均休咎

是時列侯

唯高密固始膠東三侯與公卿參議國家大事其餘並優以寬科完其封祿

莫不終以功名延慶于後昔留侯以爲高祖悉用蕭

曹故人而郭伋亦譏南陽多顯鄭興又戒功臣專任

大崇恩偏授易起私溺之失至公均被必廣招賢之

路意者不其然乎。永平中，顯宗追感前世功臣，乃圖畫二十八將於南宮雲臺，其外又有王常、李通、竇融、卓茂合三十二人，故依其本第，係之篇末，以志功臣之次云爾。

諸將未必人有文德，可設之才，卽詘其才，孰與戮其身，抑於一時，孰與沈其後嗣。

後漢書論

馬援傳論

論曰、馬援騰聲三輔、遨遊二帝、及定節立謀、以干時
主、將懷負鼎之願、蓋爲千載之遇焉、然其戒人之禍
智矣、而不能自免於讒隙、豈功名之際、理固然乎、夫
利不在身、以之謀事、則智、慮不私已、以之斷義、必厲、
誠能回觀物之智、而爲反身之察、若施之於人、則能
怨、自鑒其情、亦明矣、

誠短長人、廼發杜季良卽以自禍、目睫之論賢者

不免范史之說人可深思

後漢書論

宣秉張湛王良王丹傳論

論曰。夫利仁者。或借仁以從利。體義者。不期體以合義。季文子妾不衣帛。魯人以為美談。公孫弘身服布被。汲黯譏其多詐。事實未殊。而譽毀別。議何也。將體之與利之異乎。宣秉王良。處位優重。而秉甘疏薄。良妻荷薪。可謂行過乎儉。然當世容其清人。君高其節。豈非臨之以誠哉。語曰。同言而信。則信在言前。同令而行。則誠在令外。不其然乎。張湛不屑矜僞之誚。斯

觀於此論作偽何益

後漢書論

馮衍傳論

永謂衍曰高祖賞季布誅丁公今遇
明主亦何憂衍日記有之人挑其隣
人之妻長者詈之少者報之後夫
死取其長者守道之臣何患死亡

論曰夫貴者負勢而驕人、才士負能而遠行、其大畧
然也。二子不其然乎？馮衍之引挑妻之譬，得矣。夫納
妻皆知取詈已者，而取士則不能，何也？豈非反妒情
易，而怨義情難？光武雖得之於鮑永，猶失之於馮衍。
夫然，義直所以見屈於既往，守節故亦彌阻於來情。
嗚呼！

衍與朱邑書不敬過甚是以永雖主帥猶得進用
而衍終見黜非徒後至之故

後漢書論

梁統傳論

遺為

以戚屬居大位每存謙柔稱爲良
祖城門賑與貧賤小黃門用事

論曰順帝之世梁商稱爲日。甫豈以其地居亢滿而
能以愿謹自終者乎。夫宰相運動極感會天。人中
於道則易以興政。乖於務則難乎御物。商協回天之
執。屬彫弱之期。而匡朝卹患。未聞上術。憔悴之音。載
誣人口。雖與粟盈門。何救阻饑之厄。永言終制。未解
尸官之尤。况乃傾側孽臣。傳寵凶嗣。以至破家傷國。

而豈徒然哉。

如商之善柔非冀之貪亂庶几保宗亦不幸爾

後漢書論

丁鴻傳論

鴻父緄爲侯鴻當襲封讓國於弟盛九江人鮑駿讓之鴻感悟還就國

論曰孔子曰泰伯三以天下讓民無德而稱焉孟子曰聞伯夷之風者貪夫廉懦夫有立志若乃泰伯以天下而違周伯夷率絜情而去國並未始有其讓也故泰伯稱至德伯夷稱賢人後世聞其讓而慕其風徇其名而昧其致所以激詭行生而取與妄矣至夫鄧彪劉愷讓其弟以取義使弟受非服而已厚其名於義不亦薄乎君子立言非苟顯其理將以啓天下

行之方。悟者立行。非獨善其身。將以訓天下之方動者。
言行之所開塞。可無慎哉。原丁鴻之心。主於忠愛乎。
何其終懼而從義也。異夫數子類乎狗名者焉。
其在於今求如彪愷又何可得。

後漢書論

班彪傳論

隗囂擁衆天水彪避難從之光武聞
彪材召見拜除令病免後數應三公
之命
輒去

論曰班彪以通儒上才傾側危亂之間行不踰方言
不失正仕不急進貞不違人敷文華以緯國典守賤
薄而無悶容彼將以世運未弘非所謂賤焉耻乎何
其守道恬淡之篤也



後漢書論

班固傳論

論曰。司馬遷。班固父子。其言史官載籍之作。大義粲然著矣。議者咸稱二子有良史之才。遷文直而事覈。固文瞻而事詳。若固之序事。不激詭。不抑抗。瞻而不穢。詳而有體。使讀之者。疊疊而不厭。信哉其能成名也。彪固譏遷。以爲是非頗謬於聖人。然其論議常排死節。否正直。而不敘殺身成仁之爲美。固序游俠傳曰。劇孟郭解之徒。馳騫於閭閻。雖其陷於刑辟。自與殺身成名若季路仇牧而不悔也。則輕仁義。賤守

節愈矣。固傷遷博物洽聞。不能以智免極刑。然亦身
陷大戮。智及之而不能守之。嗚呼。古人所以致論於
目睫也。

固既不免。又甚焉。謂之何哉。

後漢書傳論

鄧彪張禹徐防張敏胡廣傳論

論曰。爵任之於人重矣。全喪之於生大矣。懷祿以圖
存者。仕子之恒情。審能而就列者。出身之常體。夫紆
於物則非已。直於志則犯俗。辭其艱則乖義。徇其節
則失身。統之方軌。易因險塗。難御若履平路。易可因循。如踐險塗。則難
免顛覆也。故昔人明慎於所受之分。遲遲於岐路之間也。
如今志行無牽於物。臨生不先其存。後世何貶焉。古
人以宴安爲戒。豈數公之謂乎。

五人大惡未著然處嘗如此履變可知易因難御
徹而深矣

後漢書論

張皓王龔傳論

皓拜司空在事多所薦達天下稱其推士龔遷汝南太守政崇溫和好才愛士引進郡人黃憲陳蕃等

論曰張皓王龔稱為推士若其好通汲善明發升薦仁人之情也夫士進則世收其器賢用則人獻其能能獻既已厚其功器收亦理兼天下其利甚博而人莫之先豈同折枝於長者以不爲爲難乎昔柳下惠見抑於臧文淳于長受稱于方進然則立德者以幽陋好遺顯登者以貴塗易引故晨門有抱關之夫柱

下無朱文之軫也。

老子周宣王時爲柱下史朱文畫車爲文也言貧賤之人多被淪棄

所以晨門之下必有抱關之賢柱下之微永無朱文之敬也

推賢好士苟有其人天下歸心然賤者所歸貴或未好所以難爲其人也

後漢書論

蔡邕傳論

董卓爲司空聞邕名高辟之到署祭酒補侍御史又轉侍書御史遷尚書三日之間周歷三臺卓被誅邕在王允坐殊不意言之而漢有動於色允勃然叱之收付廷尉死獄中

論曰意氣之感士所不能忘也流極之運有生所共
深悲也當伯喈抱鉗扭徙幽裔仰日月而不見照燭
臨風塵而不得經過其意豈及語平日倖全人哉及
解刑衣竄甌越潛舟江壑不知其遠捷步深林尚苦
不密但願北首舊丘歸骸先壟又可得乎董卓一旦

入朝辟書先下。分明枉結信宿三遷。匡導既申。狂僭

屢革。資同人之先號。得北叟之後福。

易同人卦曰先號咷而後笑。北

叟塞上叟也。其馬亡入胡中。人皆弔之。叟曰。何知非福。

屬其慶者。夫豈無懷。君

子斷刑。尚或爲之不舉。況國憲倉卒。慮不先圖。矜情變容。而罰同邪黨。執政乃追怨子長。謗書流後。放此爲戮。未或聞之典刑。

楊雄蔡邕當是一人一頌。王莽一嘆。董卓士大夫於此二人者。每多恕辭。何哉。

後漢書論

陳實傳論

實在鄉閭平心率物其有爭訟輒求
判正譬曉曲直退無怨者至乃嘆曰
寧爲刑罰所加
不爲陳君所短

論曰漢自中世以下閹豎擅恣故俗遂以遁身矯絜
放言爲高士有不談此者則芸夫牧豎已斗呼之矣
故時政彌惛而其風愈往唯陳先生進退之節必可
度也據於德故物不犯安於仁故不離羣行成乎身
而道訓天下故凶邪不能以權奪王公不能以貴驕
所以聲教發於上而風俗清乎下也

太丘至德百世所師獨弔張讓將無德厚有裕風
節未優史稱復誅黨人讓感實故多所全宥未知
所全所宥伊何人耳

後漢書論

孔融傳論

論曰昔諫大夫鄭昌有言山有猛獸者藜藿爲之不
採是以孔父正色不容弑虐之謀平仲立朝有紆盜
齊之望若夫文舉之高志直情其足以動義槩而忤
雄心故使移鼎之迹事隔於人存代終之規啓機於
身後也夫嚴氣正性覆折而已豈有員園委屈可似
每其生哉園卽列字
每貪也慄慄焉皜皜焉其與璚玉秋霜
比質可也

漢書
操欲害公既久逡巡不遽下手氣有以懾之也生
命人所共貪子姓誰能無眷忠臣義士割其至痛
天地所以躊躇奸雄繇此忌憚理則然矣有謂東
漢之禍黨人激之者是何其言之不祥也

後漢書論

皇甫嵩朱儁傳論

論曰、皇甫嵩朱儁、並以上將之略、受賑倉卒之時、及其功成師剋、威聲滿天下、值弱主蒙塵、獷賊放命、斯

誠葉公投袂之幾、翟義鞠旅之日、

葉公子高率楚衆以誅白公而反惠

王於國投袂奮袂也翟義方進之子舉兵將誅王莽

故梁衍獻規、山東連盟而

舍格天之業、蹈匹夫之小諒、卒狼狽虎口、爲智士

笑、豈天之長斯亂也、何智勇之不終、甚乎前史著平

原華嶠、稱其父光祿大夫表、每言其祖魏太尉歆、稱

時人說皇甫嵩之不伐、汝豫之戰歸功朱儁、張角之捷、本之於盧植、收名歛策而已、不有焉、蓋功名者、世之所甚重也、誠能不爭天下之所甚重、則怨禍不深矣、如皇甫公之赴履危亂、而能終以歸全者、其致不亦貴乎、故顏子願不伐善爲先、斯亦行身之要與、

嵩儁手握重兵、身居上將、清塵奉蹕、匡復宗社、力所優爲、脫淵倒阿、坐聽沉沒、未可與權夫子所嘆

後漢書論

儒林傳論

論曰、自光武中年以後、干戈稍戢、專事經學、自是其風世篤焉、其服儒衣、稱先王、遊庠序、聚橫塾者、蓋布之於邦域矣、若乃經生所處、不遠萬里之路、精廬暫建、羸糧動有千百、其耆名高義、開門受徒者、編牒不下萬人、皆專相傳祖、莫或訛雜、至有分爭王庭、樹朋私里、繁其章條、穿求崖穴、以合一家之說、故楊雄曰、今之學者、非獨爲之華藻、又從而繡其鞶帨、

喻學者文煩碎

也。夫書理無二，義歸有宗，而碩學之徒莫之或徙，故通人鄙其固焉。又雄所謂詭譎之學，各習其師也。且觀成名高第，終能遠至者，蓋亦寡焉。而迂滯若是矣。然所談者仁義，所傳者聖法也。故人識君臣父子之綱，家知違邪歸正之路，自桓靈之間，君道秕僻，朝綱日陵，國隙屢啓，自中智以下，靡不審其崩離而權彊之臣，息其闕盜之謀，豪俊之夫，屈於鄙生之議者，人誦先王言也。下畏逆順執也。至如張溫、皇甫嵩之徒，功定天下之半，聲馳四海之表，俯仰顧盼，則天業可

移猶鞠躬昏主之下。狼狽折札之命。散成兵。就絕約。而無悔心。暨乎剝撓自極。人神數盡。然後群英乘其運。世德終其祚。跡衰敝之所由致。而能多歷年所者。斯豈非學之效乎。故先師垂典文。褒勵學者之功。篤矣。切矣。不循春秋。至乃比於殺逆。其將有意乎。

後漢書論黨人。稱其教行於下。人曹操身不篡位。推力孔融。皇甫嵩。張溫。散兵。應詔。尋原儒學。激情。扶義自屬。久長事不盡。然道則正矣。

後漢書論

宦者傳論

論曰自古喪大業絕宗禋者其所漸有田矣三代以嬖色取禍嬴氏以奢虐致災西京自外戚失祚東都綠閹尹傾國成敗之來先史商之久矣至於釁起宦夫其畧猶或可言何者刑餘之醜埋謝全生聲容無暉於門閥肌膚莫傳於來體推情求鑒其敝卽事易以取信加漸染朝事頗識典物故少主憑謹舊之庸女君資出外之命顧訪無猜憚之心恩狎有可悅之

色亦有忠厚平端。懷術糾邪。謂呂強也或敏才給對。飾巧

亂實。若良賀對順帝不舉人也或借譽貞良。先時薦譽。曹騰進邊詔延周等

也。非直苟恣凶德。止於暴橫而已。然真邪並行情貌

相越。故能回惑昏幼。迷瞽視聽。蓋亦有其理焉。詐利

既滋。朋徒日廣。直臣抗議。必漏先言之間。謂蔡邕對詔王甫曹

節竊觀之。乃宣布至戚。發憤方啓。專奪之際。謂竇武謀誅宦

者。反為宦者所殺也。斯忠賢所以智屈社稷。故其為墟。易曰。履

霜堅冰。至云。所從來久矣。今迹其所以。亦豈一朝一

哉。

人性善惡不大相遠宦者之流有如毒藥此何說也凡在人情不可有恨感恨之人爲惡必深男女歡愛有生大欲旣處其枯所遭是敵漢時諸閹多取良人美女以爲姬妾皆珍飾華侈擬則宮人轉側無聊亦繇見矣

後漢書論

西域傳論

論曰、西域風土之載。前古未聞也。漢世張騫懷致遠之略。班超奮封侯之志。終能立功西遐。羈服外域。自兵威之所肅服。財賂之所懷誘。莫不獻方奇。納愛質。露頂肘行。東向而朝天子。故設戊巳之官。分任其事。建都護之帥。總領其權。先馴則賞。贏金而賜。龜綬。儀曰銀印。皆龜紐。後服。則繫頭。纓而釁北闕。立屯田於膏腴之野。列郵置於要害之路。馳命走驛。不絕於時月。商

胡貳客。日欵於塞下。其後甘英乃抵條支而歷安息。臨西海以望大秦。拒玉門陽關者四萬餘里。靡不周盡焉。若其境俗性智之優薄。產載物類之區品。川河領障之基源。氣節涼暑之通隔。梯山棧谷。繩行沙度之道。身熱首痛。風災鬼難之域。莫不備寫情形。審求根實。至於佛道神化。興自身毒。而二漢方志。莫有稱焉。張騫但著地多暑。涇乘象而戰。班勇雖列其奉浮圖。不殺伐而精文善法。導達之功。靡所傳述。余聞之後說也。其國則殷乎中土。王燭和氣。靈聖之所降集。

賢懿之所挺生。神迹詭怪。則理絕人區。威驗明顯。則事出天外。而騫超無聞者。豈其道閉往運。數開叔葉乎。不然。何誣異之甚也。漢自楚英始。盛齋戒之祀。桓帝又修華蓋之飾。將微義未譯。而但神明之邪詳。其清心釋累之訓。空有兼遣之宗。道書之流也。且好仁惡殺。蠲敝崇善。所以賢達君子。多愛其法焉。然好大不經。奇譎無已。雖鄒衍談天之辯。莊周蝸角之論。尚未足以槩其萬一。又精靈起滅。因報相尋。若曉而昧者。故通人多惑焉。蓋導俗無方。適物異會。取諸同歸。

行源書
二
措夫疑說則大道通矣

因報之說用以懼惡懺悔之門假之誘善此聖人
不之微指也今人窮淫逞殘無所不極半貫施捨一
日供設便謂作福遭災是爲閉善勸惡者矣

